

永川縣志卷之二

山川 塘堰附

嘗讀前哲古志云邑有山川猶人有骨血必肢節脈絡井井分明其人精彩方得生動又云山川本色經雅人點綴便秀發殊恆縱未能如應邵酈元奇雋奪目斷不可以屠酤簿帳標置峙流躋哉言乎洵修志之鑒戒也永屆府龍腰脊山排數幹川滙大江羣峯眾水四面迴環點綴良非易易而綱紀有不吝案者要亦如人之筋骸使之相屬不致短脰截胸為屠酤

永川縣志

卷二

輿地

山川

家所竊笑矣

邑之前有三大幹中曰瀘龍山右則西南英山即龍碕磴左則位於東南為邑屏障層巒聳翠隨處異名者也瀘龍山俗呼王瓜山自縣南吉安場起綿亙七十餘里山高約十里至治前五里而伏若朝揖然邑

人於山巔建塔北面鐫三元文筆四字巍峩峻聳正

對文廟中宮為邑壯觀塔高六丈五尺體式六面中有樓三層相傳地本古塔故

址乾隆辛卯教諭彭濱倡修掘土得碑讀之係明隆慶六年知縣王恩民建由是眾情欣慰越次年壬辰

工竣後復傾圮道光甲子知縣舒隆阿重修是山樹木葱蘢禾麥封殖離



城二十五里名寒漣嶺

下即寒漣溝昔有貧媪藁葬於此甚著靈異行者必掇石

累其塚今香火猶盛地因以名

又二十里許有峯名尖山峯雲霧出

沒於山坪為最高餘平坦無巒頭即以廟宇腰店名

其地

如箭幹寺合面舖之類

山之陽離寒漣溝數里有比事溝

溝內一洞曰穿巖洞

深數十丈庚申辛酉里人避難於中獲全

又數里曰

烏龜石又數里曰白巖磧

附近有歇馬臺相傳有仙人過此歇馬

又二

十餘里曰牛眠口

見後古蹟

山之陰離城十里曰石箭溝

見後古蹟

又數里曰羊子頭

地有五福洞能護千餘人庚申張逆連攻三日不下解圍

去又有道人洞仙人洞之類共十餘處皆土人鑿之以避難者

又十餘里曰踏蹄溝

永川縣志

卷二

輿地

山川

二

有數炭洞

又二十餘里曰龍叵溝

亦有數炭洞由此至吉安場炭廠甚多興廢不一

一 此瀘龍山之全勢也

龍洞磧

因山有龍洞故名詳後古蹟

郎英山一名五華山由瀘榮

境崩劣蜿蜒至日月關

關外瀘州界

入縣境名龍居山

即雲

谷寺經萬壽山朝陽砦十里至龍井口峯從兩面排列

中開三磧如船形上磧曰龍陽坪

水由地道暗消有入無出

數里

曰方石岡又數里至中磧初建場曰新店子

離城五十里

自新店子至下磧尾約二十里許勢皆平行雖叠起

小山不及四邊之險峻也三磧首尾狹而中廣

首尾橫數

則劣側音  
力山高貌  
又山連也



里中橫田土肥沃流水數溪足資灌溉故居民多富

十餘里饒者其峯若布棊然光怪萬狀各出爭妍東南有尖

山子黃毛嶺天馬山西北有筆架山白雲關金銀地

諸峯奇特異常每當晨旭初升煙霞璀璨龍洞朝霞為邑八景

之蔚然大觀其中炭洞灰窰紙廠鐵爐未可枚舉永

地精華以此為最此英山之形勢也

東南屏障自江永界石門坎起至雲霧坪上有些即元和志大

鐵山離城八十里巉巖絕壁莫可攀躋昔獻逆擾蜀鄉人居

此避亂賴以保全其地江永各半低陷半里許突起危峯曰

永川縣志 卷二

老君山巔濶約三丈餘上有仙爐丹竈見後古蹟石刊天

下奇觀四字舊砌老君庵二江永各一其旁復有峯如筍曰石筍

山與老君山並峙而高峻過之永邑文筆峯也石筍在永

界內舊志以老君山為不里許曰彌陀巖有峯曰雲

石筍日見江津志誤矣封山明萬曆二年建廟僧歸元走由此接續窳連曰

汪家坡京師請山名得御賜雲封寺有峯亦同時修築內

此又十餘里有峯曰同心山通志誤又越數隘有峯

特立曰二郎尖離城四十五里高出羣峯與石筍遙對亦邑

中文筆山巔有疊石六日二郎臺下小上大又數里



日雲谷關為江永相通之路又十餘里日伍家坡又數里日白馬寺遷迤交壁山界此山橫互百里層巒排列不可枚舉山腰多炭洞掘土數尺即得便於他山界並在山頂伍家坡以上與津邑交伍家坡以下與璧邑交此東南屏障之形勢也

支山在瀘龍及南障中者日來龍嶺城南十里日黑石

峯城南十里日金雞嶺城南十三里日尖山坡城南四十里

如玉城南四里日官斗山城南四里日插旗山城南四十里尖

八城南五里日譚子坡城南五里日朝東山城南五里日硯山

永川縣志 卷二

城南五十六里山戴盤 日梧山城南六十里山多

石徑丈餘宛若硯然 吳不凡講學處流寓 日玉寶山城南六十里日喻家坡

方仲梓亦養疴於此 有砦城南 日金銀坡城南七十里日打鼓山城南七十里

餘日仙龍山城南七十餘里日倉寶山城南七十餘里

日五星山城南八十里明都憲 日青紫山城南九里

通志綾錦山舊 日四明山城南九十里上有 日松

志誤作錦綾 子山城南九十里山頂有 日旗山一作箕山宋儒

南夫婦墓在焉明季產瑞芝 〇知縣陳虞賦云壬

申之夏日在東井澹雲陳子南面而坐薰風微來 襲人衣裾陳子曰習習乎其解我民之愠兮稼史 古士榮跪而請曰天不愛道地不愛寶箕山之麓



有芝挺生國之瑞也敬為君榮陳子進而取之雙  
莖輪困紫蓋綠英金花燦燦異彩紛呈乃為之言  
日桂山之風清兮可以披吾襟松水之波登兮可  
以濯吾纓雨暘時若兮庶草繁蕪乾坤氤氳兮蘭  
芝含馨彩霞罩兮紫笋玉露滴兮金莖並蒂兮枝  
同連理結篆兮叶若三靈華藻繽紛兮拖天半之  
雲錦祥光璀璨兮映河畔之臺星既香且豔亦理  
而文翠英穿其秀幙兮節同棲鳳之竹碧蕤擊於  
仙掌兮葩如化龍之鱗孰鍾奇兮山川華嶽孰呵  
護兮日月星辰玉壘海棠兮尚春睡之未足錦江  
芙蓉兮猶藉秋水以為神閨苑之紫薇兮空對老  
叟於芸閣江城之荔枝兮祇笑如子於紅塵孰若  
斯靈根盤錯兮煌煌三秀寶葉蟬聯兮煜煜九莖  
朱柯翠羽兮流輝光於漢殿紫金玉笋兮含秀勝  
於謝庭曠覽蠶叢之藝林兮從古未有橫覽三川  
之嘉瑞兮於今為盛芝之出兮百穀成芝之生兮  
又用明芝之秀兮俊明章芝之苗兮家用甯予小  
子兮尹茲土琴未吟兮錦未成甘棠兮何以蔽芾

永川縣志

卷二

輿地

山川

五

茅茹兮何以彙征咏菁莪兮未能臻於械樸采蘋  
藻兮弗克羞於神明質同樛櫟兮才猶小草仰叩  
山靈兮胡為獻此休徵祥符肇兮詎無因世運泰  
兮道將亨芝兮芝兮其猶古之蕢莢於以點綴乎  
太平土榮日然其餘小山甚多且有入舊志者因  
請植之階庭

無關形勢故不備載又舊志方位道里多誤同心

山介二郎石筍中乃以為在東二十里雲封山離

水碾場十里乃以為縣南十里則誤之甚者也

支山在瀘龍英山中者曰八角山城南十五里山形八角各起一

峯攢簇如畫青靄隆然邑中佳景也知縣張時照  
詩峭壁芙蓉削八挺青未了有人千仞岡翻笑觚  
稜小○教諭諸華詩巖峩八角倚天雄草色芊芊  
樹影叢五老畫圖濃淡裏九嶷罨罩有無中高陽



才子文章麗閭苑仙人杖履同興到相攜一翹首  
不知身世灑然空○邑人李天英詩自笑浮生五  
十年芒鞋纔踏八峯巔星辰錯亂平垂地頭角崢  
嶸欲上天野竹綠侵松徑裏霜楓紅到寺門前斜  
陽送客還留客看取山城萬竈煙○又八峯學舍  
書懷云古寺鐘魚早暮憑幽懷何處訪吟朋開中  
得句先呈佛石上看雲半約僧風攪長林疑雨過  
日斜小閣怯寒增深山氣候真難定回首江湖興  
欲乘○只疑峯與亂雲爭誰識登峯路轉平腳到  
孱時知力量眼從高處始分明時花趁雨攪籬出  
老樹經霜拔地擎惟有籜龍  
人  
不見暗藏頭角起雷聲  
曰唐家坪城南二十餘里曰  
大巖山城南二十餘里曰鳳凰山城南三十里其  
一名油榨巖  
曰太平山城南四十五里有砦梳粧臺在其上邑  
人伍奉璋詩著得芒鞋到此遊太平山  
下路悠悠千尋壁立煙中寺四面雲低塞上樓怪  
石嵯峨欹樹立清泉冷咽傍巖流登臨我有升沈

永川縣志 卷二

輿地 山川 六

感何處寒 曰象鼻嘴瀘龍支山城 城南四十里 曰玉皇山城南五十  
砧急暮秋

里 曰搖鼓山城南五十里 曰石松坪城南六十里 曰錫  
曰東登山城西南五十里 曰老鷹坪有砦城南五十

鉢山城南六十里 曰大松林有砦城南六十里 此外來蘇場太祖山王家

里 曰大松林有砦城南六十里 此外來蘇場太祖山王家

坪挖斷山興隆場獅子山馬鞍山其名處處有之

殊難盡紀

邑之後亦有數大幹其中一近一遠西曰單石嶺東

即前所志之屏障是也中之近幹曰箕山降脈結縣

治真武山又結文明門外玉屏山大幹之西北節次



漸低至跳石河而止十五里向東北行者乃漸高絕頂

日桂山每值秋夜月明景最清雅邑八景之一。知縣張時照詩花讓

河陽滿山奇桂子芳廣寒秋夜斧諸士盡吳岡。教諭諸華詩桂子山前桂子丹清虛往復即奇觀天香

暗逐秋風迴樹影平分月夜寒竇氏新枝花燦燦太邱老幹玉珊珊西臺高處聯雲館歲歲馨聞麝與蘭

其前則萱花寺邑景萱花晚照處又經石板塘至貓

兒梁其下即扇子灣炭厰極多數里與銅梁交界山陰銅梁山陽永川又前

為大峯門天子殿古砦地極險要全屬永川山至此愈高下臨

羣峯一覽皆小又前為鹿子塘薄刀嶺邑復興場境又前

為老箐頂九嶺岡邑九龍場境綿亙約九十里層巒疊嶂

永川縣志

卷二

輿地

山川

七

各擅其奇為重慶府龍正幹邑東北之巨觀也

遠幹在九龍場東起璧合交界之湯峽口越銅梁境

至璧山然燈寺前始寗連永邑山左璧山山右永川下由尼井

山沿嶺經涼樹坪至白鶴庵入普蓮場境又經黃茅

嶺山王殿袤延抵璧山馬方橋上下數十里並從山脊分界其中

岡巒起伏氣象萬千大概與近幹同邑人士流覽名

勝尤足為棠鄉生色焉若夫物產之蕃昌取攜無盡

皆不必縷志者矣

西之單石嶺由銅邑玉龍場發脈邐迤而來經玉口



地銅足關隘入縣境甘家嶺又前為朝陽寺起伏數節勢

益律率至太平鎮之西重岡疊嶮巒頭甚多廣十有

餘里邑達省會衝道也單石舖塘房在此忽高忽下倏斷倏

連過者嘆行路難焉山之陰為大足界胡子昭昆翁

墓在邑邊隅其南一溪環遶山至此始盡

邑東之屏障中與桂山並峙其尾至璧邑馬方橋又

與遠幹遙接故志後數大幹必相提及之若形勢則

已見於前茲不復贅

文山在東列三幹中者曰雞子山城東南十里俗名雞公嘴自首

永川縣志

卷二

輿地

山川

八

至尾分為數峯曰獅子巖有砦城東南三十里曰鐵嶺山城東十五里一作鐵

山因山色如鐵故名與大鐵山之出鐵者異舊志

訛舛明為鐵山舖建文帝過此茶庵遺蹟猶存今

為茶店場○邑人李天英詩三十六州鐵移來聚

此山黑雲生石骨黃葉落霜顏鴉噪孤亭晚兵銷

野戍閒何人留手跡拂拭出榛山縱橫十餘里中

菅石舊鐫三大字詳後古蹟

曰鐵山坪地產蓮最美邑八景之一○知縣張時照詩芝草根何自蓮生石

竅清應知人鐵漢不染勝蓮馨○明羅勳詩水流石竅滿芳隄湧出奇葩鐵嶺迷豈有靈根來玉井

還疑靜植借蓮溪臙脂皆兩鮮如洗翡翠飄風曰

軟欲攜景運有開先燦爛依稀桃李自成蹊

雲龍山石廟場西六里曰高嘴坡石廟場北六里曰蕭家坪石廟場南

五曰棺木巖石廟場東三里今改為官祿巖曰崧雲山復興場東上有金鼎



寺曰如龍山復興場南四里曰桂峯山復興場西六里曰

廟山坡普蓮場南六里曰風洞巖普蓮場北六里曰老龍巖普蓮場北

四曰松林岡九龍場東曰獨樹坡九龍場南曰雙堰坡九龍場西

曰端公堡九龍場北山必以縣城定遠近郡省志採錄

較便今不盡然者道里難明故也

支山在西列兩幹中者曰歇馬山城西關外世傳蜀漢時有使從

荆州來送關聖神主赴省過此歇馬是夜風雨

大作聞馬蹏聲晨起視之馬已死人競異焉聖

帝廟惟永先建後最多曰望華山城北二十里危崖峭壁林壑深

者職此故也見廣輿記曰望華山城北二十里危崖峭壁林壑深

邃即俗呼丁家巖也上有古碧桃曰綾波山城西三十

寺創自唐時明正德嘉靖間重修

里載入曰雲雷山舊志縣西三十里與英山也曰銀

通志子山雙右橋西曰麻雀巖太平鎮東曰滴水巖太平

鎮單石溪上與曰溪山在縣西北地輿紀勝去縣

銅邑交界處曰溪山在縣西北地輿紀勝去縣

縣地西北無百里之遙沙溪疑即單石溪此溪山即上滴水巖也不過五十里許省志府志並誤

曰水口山縣北時曰陳家山縣北時曰石銀山縣北

萬壽場境曰三縣坡縣西石曰尖峯山縣西永興曰土

地垵縣西紅曰野雞巖縣西紅曰胡家巖縣西羅

曰帥家巖縣西羅又通志載銅鼓山縣北八十里

今按縣北壤地未及八十里山亦不知何處大抵

永川縣志 卷二

輿地 山川 九



古今隨時異名故多沿誤也

岷江自嘉敘瀘合而下至津邑朱家沱下游入縣境

城南九十五里突起一洲俗呼中壩上有土田竹木居民數

家如在瀛島右有官溪子水自南岸來注之此水源出津邑

至縣界江永橋流入大江壩之左右舟皆可行壩盡水合處波濤

澎湃江面益寬左有大鹿溪水自北岸來注之鹿溪水發

源瀘州達江津境與邑南張家場三支流同匯○一自場西灘子口發源經三元橋大平橋至大沱約十

餘里下流入津邑大河嘴○一自泥溪子發源經五

星山橋約十里許至周灘子○一自場東蓮花橋發

永川縣志

卷二

輿地

山川

十

雙河場繞下入永界中壩之下曰龍丞俗謂有龍伏其中故名

又下曰大梁子有三石如梁伏水中上曰大梁即上馬頭

也有小溪水北來注之源出金雞馬路大梁子下即

松子漑邑之雄鎮也商旅雲集設有水塘汎查緝姦

盜遂宵張問陶泊舟見月詩十月苦陰雨推篷月乍

客猜他年說松漑舉酒空徘徊○朱嘉徵過松漑詩

永川風日好秋林吹磔香薄霧漲巖麓瑶海同蒼茫

日上朝雲歸客子仍餘艤江南多春戲浴水映明妝

愛而不可見共此千尺光水國有佳人雲波橫洞房

傾城一巧笑善世為樂方清風舉我腋凌波共翱翔

○邑人李芝田松漑道中詩冷細雨漱空灘蘋末

風微撲面寒一路看山兼看水十分蒼翠上眉端旗

山雲接几水西隔葉黃鸝不住啼袖得瓣香尋古墓



棠梨花下 又下曰東嶽沱深數十丈石刻澄江如練

拜潛溪 四字郡守陳 沱上北岸有後溪水來注之 源出鐵門坎海音寺

石河溝金龜洞等處匯打油河 東嶽沱之前曰啞疤

至補修橋合流由後溪入江

溉水最險惡往來舟子不敢作欸乃聲故以此名其

下流有巨石立江邊形如蝦蟇水漲及蝦蟇口船無

敢上下者 詳後 過此為大磯磯灘 明羅洪載賦大磯九磯之首磯松漑

東南遠見巨石橫江每江水泛溢聲震百里艘艣上

下斷絕蓋絕險也余觀大磯之奇也發乎箕山之支

鎮乎岷江之口其來也或聳而為峯或委而為坡或

深而為阜及其底於江也巨石嶄嶄截江橫互而孤

峙若虎之伏形若龍之驤首當秋至而水落江過其

下靜若鏡花厥波不揚兩涯曾不里許若尋丈之可

永川縣志

卷二

輿地

山川

十一

量及夫春氣融夏日烈雪山頽冰壑決注雨連晝百川奔溢江於是乎滔滔瀾瀾排天浴日旁溢瀾漫陡起千尺馮夷喜而歎洋天吳駭而喪魄於千里而下趨忽此磯之見扼鼓萬頃之奔濤戰數仞之巨脊若勁兵之遇強敵勢不相下氣不相伏而力足相抗者於斯時也江欲決石而東注石欲迴江以西折勇心不回鬪氣愈傑其怒也搖地軸而欲動其號也震天樞而若裂日月為之薄晦風雲為之慘惻巨鯤化而渤澥遷立颶母猛而風沙四塞騰迅雷於九霄鼓三軍而一決轟百里而聾聵壓千峯而仆跌蓋江之最險而觀之奇絕也予昔下巫峽越漢塞北歷秦晉南遊江浙蓋嘗劇目於胥潮悸心於砥柱而碎膽於瞿塘三者天下之至險也會不知此磯之險殆有甚焉不但爭衡而頡頏予於是又不知天下之事所謂奇絕者必有激於不得已夫然後舍其庸常抗為雄偉挿八翼而天飛驚一鳴於眾耳功足以蓋當世名足以垂千祀莫不奮發於困阨震悼於險阻拂其志而後通達窮其身而後興起彼區區之流俗玩易故常



莫不神沮而氣折顏汗而心死殆有似夫此磯激奇於此水不然何森森茫茫悠悠洋洋千里就下而同塵和光忽然破天地而震響咤風霆而飛揚觀物理之同然信予說之非荒唐也○國朝王士正詩峭壁臨江勢欲傾丹砂蘸葉一江明囊江流至彼仍入江中正有鵝溪絹只少黃荃為寫生

津界

舊志地輿圖置大江於界外其志江處亦甚含糊若不知地實跨之者注大鹿等溪則皆云入

漑水合大江大江而外以何水為

漑水閱之令人滋惑為附辨於此

松漑小溪後溪義渡

皆乾隆間設嘉慶甲子里人募貲始置田江永呈免雜項差徭

歲收租四十石有奇以備造船雇夫等費

松漑大江義渡

年代無攷邑雲峯寺僧德本倡設渡船四隻一設江津柱頭壩一設江津

停魚渡其二設松漑近只三隻置

業津邑歲收租穀三十石有奇

永川縣志

卷二

輿地

山川

十三

松漑救生船 道光壬寅縣主胡筠捐銀二十兩率眾紳置 數欸並載道光舊志

永治眾水縈紆在邑南者以龍門隄河為幹其源最

遠起自瀘州薄刀嶺山麓眾泉奔赴經寶峯場至瀘

永橋入邑來蘇場境曲折滌洄厯會龍橋楊梅橋邇

迤至續嗣橋下游有水自西來注之 此水發源寶峯場砦子口流人

來蘇境經龍鳳橋白塔 由續嗣橋東行經場北至魚

尾子有支流自南來注之 此水發源王家坪小巖子坎下厯四板橋入來蘇場

右至此 由此折而東北至雙石橋又轉東南至水磨

灘老橋有水自東南來注之 此水發源瀘龍山麓由入來蘇境至此合流



此北行至復興橋入興隆場境又折而東歷觀音橋

新橋羅家橋迴繞場境至石佛橋龍灘子共受數小

溪水越綠楊橋抵附城麻柳河有西礮河自西來注

之此水發源龍洞礮青草坡經青峯場二十里至觀音橋又十里至斷石橋又十里至童家橋經興隆

場境三洞橋又一支自唐家坪玉河溝發源由此

由響水灘至三洞橋二水合流至此同入幹河

順流而下至車對河右有小橋子水來會下即城南

龍門隄有二水一自東來一自西來注之東水三支

寺來一自轉龍垵山脚來至石梁橋匯流下東嶽橋

永川縣志

卷二

輿地

山川

十三

辛家堰流繞城後北面折西入永濟橋下二支一

自蠻子洞大溝過躍龍橋至五板橋一自枝子溝來

會同下永濟橋合舊志云三河會碧又稱為永字水

流入龍門隄幹河

八景之一也知縣張時照詩江盤巴字異永字並稱

華詩北注西傾南控濠縱橫繚繞勝揮毫流成永字

三江秀會入碧川萬頃濤風雨不將圖籍浸谿山應

共錦雲高倉王去後留過此二里曰卧龍潭詳後下

遺蹟鳥篆千年起鳳髦

鐵邱墳左有溪水注之此水自龍王塘右嶺發源至

孫家灘下觀音橋有貓兒河水來會下游不數里曰

又受穆家橋泡馬也橫河諸水至此合流王家不數

魚箭灘左有溪水注之此水自鄭家樓經王家不數

里曰欄杆灘其下曰長河壩曰李子沱有溪水自西



來注之

此水發瀘龍山分澗經古家橋約十餘里至此合流

又四里至漏孔河

灘有數孔深不可測故名

趨赴三道橋下游有水自東來注之

此水

上有二源一自觀音寺脚起經馬銀場繞行至高鼓帽一自茶店場境三义河溝田起約六七里經拱橋至高鼓帽二水合流經獅子橋倪家溝曲折奔赴至此入幹河又經傅家灘長灘河

至官灘亂石窖有溪水自東來注之

此水自乾河溝柏林灣發源經

樂公堰小橋至此入河

由此至高洞觀音寺有大小竹溪合流

自西來注之

大竹溪發源瀘龍山陽石豬磴經周公灘紆迴至雙鳳場南二里其地多竹因

名竹溪○又有別支自石脚跡梁家橋起經水碓河至南華鎮匯流○小竹溪二源一自古井一自松林嘴至雙河口交匯經雙鳳場東北二里下紅巖與大竹溪水合流至高洞同注幹河下流十

永川縣志

卷二

輿地

山川

十四

里至臨江場左有溪水自梓潼場東來注之

源發棺木邱經

平心橋石魚河文星橋約十餘里至孫家堰下入河

河遠臨江場西南至小河

口有水自東來注之

此水發源陳食場街尾經玉馬橋獅子橋至觀音橋下游二里

合過此十里曰太平橋又數里曰佛祖灘其左有水

自梅江橋東來注之

此水發毓靈橋上游經高灘場至此合流不數里有

溪水東自夫子灘來注之

發源龍塘口由黃土坎下經清水迤至此合流

由亂石灘入水碾場境至向家灘上游有溪水西北

來注之

此水發源石龍山經苦竹溝母豬洞旋遶水碾場至此合流

又下由上新

橋五里橋至兩河口有溪水自西來注之

發源吉安場山麓豹



子洞經鯉魚也約十餘里至仙龍場繞下四明橋有別支水自先家橋來會下達土地灘順流至聖水寺入五間鋪境南流至落壩橋入何家硬境○其上游左有丹靈山水來會右有石獅子青岡溝二水來會至牛屎灘左有尹家橋水來會流經羊板橋萬壽橋入水碾場境由兩河口入幹河

由此順流過津邑大板橋至朱楊溪入大江

朱楊省志作洙溶

水之在邑西北者以雙石橋河為幹自瀘榮排山坳起伏至白雲寺白龍洞溪水發源入縣治永興場境

經海角橋古牆橋繞場東流十餘里至觀音橋下游入羅漢場界三义河右受小溪水左有大溪自東來

注之此水來自榮昌入邑治大石堡經觀音堂轉龍橋至此合流下由新橋左家

永川縣志

卷二

輿地

山川

十五

橋經黑龍凹至天生橋下游左有溪水注之水由羅漢洞北

流來過玉河橋入紅爐廠界右有溪水注之此水經毫豬洞

會土地坳至大會由此又數里許右有大溪自西注之源

橋下流來會由此又數里許右有大溪自西注之源

菩薩彎曲轉古佛寺經鏡子山流下大小井口又收小溪水順紅爐廠南下東嶽廟左收堰溪水約二里

同入幹河流至響灘子左有小溪來會越清晏橋下游左

又有溪水注之此水由榮足來至三縣橋由此曲轉

順流過了家坳下小河壩右有三溪水自西來注之

一由野雞巖一由下廠溝一由紅爐廠來名清水河由金銀坳均於此上下合流

經五龍橋太平鎮界土地橋至祖師橋雙河口左有大溪



水北來注之

此水發銅足玉口迴山麓沿山脚順流至會龍橋入縣界委曲西流由彭家溝

至太平橋又有小水自大足雙路場來會合二下由郎塘單石溪水曲包太平鎮至響灘下入幹河

大澗口左轉東流過雙石橋場經響水洞復興橋入

時和場境九子橋右有溪水自向家壩來會曲折逮

高陞橋右又有溪水注之

源出桂山麓經龍塘橋來合流

下游左有

小溪來會入時和橋

即場市原名跳石河

右有溪水自鐵廠溝

來會下至三岔河南有韓家溝水來會下流經九龍

橋

萬壽場境

梅花橋踏水橋至韓家橋上游有萬壽場溪

水注之

此水有三支一由屠家巖起經楊廣橋至踏水橋上游一由觀音橋經萬壽場之南來

永川縣志

卷二

輿地

山川

十六

合○一由潘家堰起經善化橋曲包萬壽場北面回旋至踏水橋三水交滙下流入幹河

由韓家

橋過七水灘至大橋入銅梁界倭遲約二百里入合

州嘉陵江

水之在邑東南者以璧山馬方橋河為總滙東水幹

河由桂山天子殿龍王塘發源沿下二郎廟右有溪

水注之

上有二源一自雲封寺山麓奔赴觀音殿橋一自龍塘起順流而來經拱橋至此合流

下由河壩橋經高洞堰下復興場折右過觀音堂樂

樓陡下懸巖飛瀑十餘丈墜入深塘聲如雷震溢流

三元橋至獨木橋右有水口廟溪水來合下經五桂



橋至仙人橋過蔡家壩九龍壩境順流入古家橋曲向東

流至平橋又折向南流至獅子橋左有溪水注之水自

月巖寺半坡山洪激發由拱橋彎下至躍龍橋九龍壩

水馬頭處右有二溪水來注之一由祖師觀左發源從砦

祖師觀後發源又插丁口疊流三層石巖俱高三四丈於廟前交匯至此入幹河河水繞場

如帶與場東河溝嘴溪水自老拱橋交匯又右有溪

水注之水自蘆稿溝流至佛耳巖堰口過九龍橋四

里至田家林大堰口又四里至二郎橋陡灘下觀音

橋右有溪水注之水自五靈寺巖腳發源至石梁沿

流新橋入普蓮場境至三星橋右有溪水注之此水

王爺廟獅子巖二水合流經筏子塘下越丁家橋至

啞疤塘右有溪水注之此水自老龍巖經場口由此

過新橋順流入大安場境至天星橋右有溪水注之

水自石廟場境水口寺發源而來經雙背堰入此河下流得勝橋委曲東界橋

至雞公嘴右手上游有數小支溪水來注南水幹河

亦至此交匯合流一支自石廟場普光寺溝洫發源

高山巖支水經鄆家橋來合○流下石梁橋魚箭灘

有官祿巖支水經九龍橋排樓彎來合接仁壽橋越

石梁堰見龍橋合南南水幹河發源陳食場境瞿家



壩行八里許至六家巖峭壁如削瀑布驚飛下巖曲

流二里至新橋右有溪水注之發源借字樓堰三里至大塘灣下巖怪石

累累有蝦蟆鳥龜各石鎖之又二里許至此合流順流二里至雙河

口右有溪水注之發源土橋子曲折五里至此合流因名雙河口又曲行十

里許至天成橋左有溪水注之此水上有三支一出茶店場高廟子發源

經和尚橋越鄭家堰至楊家壩下龜石右有大冲嘴河越雙橋壩來會○下流至石河嘴右又有蓮池溝

水來會○流至會龍橋由此過灣灣橋至黃葛橋左

又有溪水注之水自濫泥溝滴水巖越下經三星橋

至高洞劉巖十數仞下有深潭曲流里餘至河壩子

永川縣志

卷二

輿地

山川

十六

右有溪水注之發源二郎尖山麓沿山曲行曰花巖橋曰油房橋曰萬家橋曲折二十餘

里至此其下夏家山溪水同注經萬年橋曲行小馬

坊隆濟拱橋至見龍橋下合東水支河越大新橋下

雞公嘴東南兩水至此合流右有美人山小溪來會

下流不數里由璧山高家橋入馬方橋河約百餘里

至江津游溪鎮入大江

永地之支分派別尙有數水在王家坪境者自瀘地

鄧家壩發源行至大捲子入王家坪界紆流至雙河

壩左有小溪來注下行至蔣洞子左又有溪水自場



南門橋轉西經迴水沱來注下接殷大橋出水興橋  
仍入瀘界三溪口○一支由青桐林沿流至昔河橋  
曲左紆行入瀘界三溪口交匯○在吉安場境者源  
發趙家溝東向西流沿羅家橋鐵板橋越卿家橋至  
瀘永橋約十餘里經獨板橋又至正橋出永界直向  
瀘地流去○在大礮場境者水自場北灘子口發源  
經漣漣橋萬歲橋至河嘴上左有流水巖水曲折由  
菜子溝來注下由鄧壩子吳麻口入江津青龜山下  
赴河壩龍門橋去○一水自場南玉河大田起曲流

永川縣志

卷二

輿地

山川

九

至母公洞越龍塘入津瀘界約二十里又入永界名

銅鼓山

此地津瀘隔斷居民三十餘戶田穀約五百餘挑

越砂子坎下新橋

仍由津瀘兩地流去○在石盤舖境者水自場之東

北由足邑斷橋發源經三縣橋入永界又經唐家橋

拱橋徑向榮昌界與榮河合流

舊志僅列數條漏載過半如斷爛朝報漫

無頭緒歸宿令人迷茫不省今爲分別支幹源流起訖纖細不遺閱者可一目瞭然矣

塘堰

自來天災流行莫甚於旱乾水溢然永邑之患則不  
在水溢而在旱乾何也永多山阜田形高而川勢下



雖汎濫爲害不過沿溪片壤而已至於歲遇旱乾則田形高者土之燥也既易川勢下者水之引也最難加以流而不盈所蓄無幾兩岸農民不下數十百家往往桔槔甫施涸已立見其何以禦彼災祲乎是故謀水利者必砌石成堰截流堵水化小澗爲深潭然後瀦聚多而灌溉普查道光間舊志老堰三十七口及乾隆十九年知縣單思邁奉 黃制憲檄親臨四鄉因地制宜共修三百餘堰大者約灌田千餘畝小者約灌田數百畝下放之外沿岸農民上車所救之

田又復無算若夫溪水所難及者則令民掘田爲塘豫積水以備凶札計舊土塘三百零八口新土塘三

百八十五口工竣之後作堰塘記一册詳報自撰聖水堰記

吾不能梁肉吾民而特慮吾民之或飢吾不能錦繡吾民而特慮吾民之或寒顧一人之力僅足供一人之需而且田疇自古征斂不擾亦何勞過慮爲第思人情多狃目前而忘久遠亦且惜小費而誤大功善乎韓非之言曰磐石千里不可謂富爲其不出粟也眾人百萬不可謂強爲其不可使也今以出粟之田而聽其一時無救是自磐石其田也今以人人各足之力而不於其所以生養我者而預圖其善策又眾人自爲也夫以眾人自爲而徒冀倖於天之終不磐石吾田是坐失其久遠之謀而甘於去溫飽而就飢寒愚之愚者也余昨奉 大憲檄新修河堰凡邑中有溪渠溝澮無不相度勸興而民亦皆踴躍樂從聖



水堰尤其大者鑿石寬厚異常橫截石梁數丈實可謂百年不朽余望之而狂喜也曰此真所謂不徂目前而計久遠者乎此真所謂不惜小費而成大功者乎夫非吾民之獨弗愚也人情與言飢寒無不拂然惡與言梁肉錦繡無不色然喜今吾時時往來溝渠間宣揚開導誘掖獎勸直不啻設千萬席梁肉於其側懸千萬束錦繡於其前其有不馨而豔之者伊誰爲之銘曰聖水堰天所賜一爲勞永爲逸鑿巨石鋪平地堅而厚渾如鑄車其腹飲厥賦泉如涌左右注俯瞰下曠無際山迴環兮曲似抱田旋轉兮灌而漑直潤千百畝不過頃刻濟爲第一實寡邑人至今日二萬年豐坐而致嘻我黎民兮尙有利

猶頌其德弗衰且自乾隆以來民仿效而成者堰倍

於前不必在灘口塘數倍於前有一業而三四塘者今約計之

堰共七百有奇塘共二千八百有奇雖逢小旱頗不

永川縣志

卷二

輿地

塘堰

三

爲災永民之獲水利豈淺鮮哉乃道光二十三年重修府志因本年永邑新志未成舊志亦未載此遂以塘堰無三字了之是亦命筆者之疏於采訪而果於武斷也茲因名甚瑣碎闕而不書特志其大概如此按永山勢崛奇縱橫四塞凹凸危巖厥狀不一如虎如龍如獅如象如龜蛇如鸞鳳如美女簪花如老人罄折如鐘鼎倒懸如亭塔挺直山洩散漫飛瀑百重奔匯成川流分支港偶步山腰泉生石罅琤琤然碎響流韻滌人塵氛別饒天趣撫此地者豈惟登高眺



遠臨流觴詠已乎前民利用咸資物土之宜山可藝  
稷黍飛潛動植寶藏於是乎興川足資灌溉鱗甲泳  
游貨財於是乎殖取無窮用不竭百爾庶民疇不仰  
山澤以爲命者特慮斧斤不時甚或烈而焚之山且  
爲童矣數罟屢人甚有流而毒之水亦將死矣又何  
利之與有惟嚴其禁令資其長養食之以時用之以  
禮行見官山府海普美利於不言民自養生喪死無  
憾也况夫塘堰鑿築竭人事之力尤足補地利之窮  
非守土者所宜盡心哉



塋墓 義塚附

戰國策柳下季壟五十步內樵採者罪至不赦初讀之疑和聖往矣區區一壟秦令何嚴至此既而思湖燈呵護鬼神且効其靈况人乎敬歿者之壟正以感生者之心借古風今意良深遠今邑中塋墓失考者頗多特舉所知列於篇庶幾憑弔前人或有奮然興起者

宋

先儒陳少南夫婦墓

通志在縣南松子里旗山碑碣尚存按松子里即今松漑鎮旗

永川縣志

卷二

輿地

塋墓

三

山俗呼箕山非又稱插旗山亦非鎮東三里大江之西岸少南墓在左晉國夫人墓在右○萬歷拔貢羅茹詩荒塚纍纍江上阿誰憐風韻等東坡考亭已重文人選晁氏猶存詩解多合葬有銘苔掩映荒坵無主柳婆娑我來一拜增惆悵遙想瓣香意若何○邑人潘祖基培修跋少南先生墓在松漑下游去鎮三里之遙旗山之下與先孺人祔葬於此歷今數百年矣一抔之土草蔓煙荒以視纍纍野塚幾不能辨識光緒九年同里後學等慨慕前型低徊荒墓僉謂不及時培修護守將來牧豎摧殘牛羊踐履此壟定歸烏有矣爰約同人豎碣編籬釀緡累息酌定於清明上塚之時謹肅衣冠以承祭祀幸近高賢之壟永留勝國之徽詎非桑梓之懿典歟○綦江陳昌言謁墓詩松山之麓旗山陽中有邛碣姓名香南宋迄今六百載邦之人土切景行封山崇隆原爽塏籬森戟草光芒更釀金緡權子母春秋誅祭羅酒漿我著齒屐訪神道斯蒸鬻炳增宗光潘志撮概紀時地史逸幸藉



邑乘詳吁嗟檜賊擁昏構遷社竟忍父兄忘北狩  
已矣南渡急四載浪走京師亡先生當日貢舉耳  
上書請討慨以慷大臣不言小臣激小臣不言書  
生當忤觸權奸甘黜抑潮惠韓公任頡頏機會可  
園人事誤可惜柄國促李綱詔舉不應歸計決天  
地閉塞賢人藏高風亮節賁志去九原毅魄何軒  
昂知否奇冤岳忠武半壁力竭文天祥天不祚宋  
非天意建災魁罪跨靖康敢云尙論具特識隴邱  
四顧心茫茫君不見長江滾  
滾流不盡颶風鯨浪搖滄桑

### 隱士趙熙墓

在小南門外文昌宮光緒壬辰春殿宇  
傾頽邑紳協謀重建因削平基址得一

舊塚青石粼粼墓門鞏固拂拭之碑字朗然可讀  
蓋宋孝宗純熹間物也歷年七百有奇窳窳猶完  
好如此若留待後世爲之表揚者洵邑中一佳話  
云○青石縣主簿陳昂撰志銘宋純熹七年夏五  
月二十四日永川趙公德遠以疾卒越二年冬十  
月二十三日其孤絳兄弟奉母夫人命舉公之喪  
輿地 塋墓

## 永川縣志

### 卷二

葬於所居右偏巽山之陽從吉兆也先期走介以  
狀來乞銘書辭甚哀嗚呼銘其先之德善以崇孝  
思以示後人古禮也曩予之子慙久處公門館每  
歸必言公之爲人余亦嘗獲款際知公之德善不  
可謂不詳今公之孤又循古禮以請銘尙何辭按  
狀公諱熙德遠其字也系出天水爲宦族鼻祖焉  
銀青光祿大夫六世祖率宦游昌之永川遂家焉  
曾祖拯祖鴻皆隱德父鎬承節郎荆南撫幹公幼  
孤篤志於學先是公之父荆樓榜日一經以訓之  
紹興中崇尙詞賦邑庠季考公屢中異等士友敬  
憚甫冠因念家世屋潤門戶事叢母氏積年劬勞  
二髮漸侵又袒母就養年幾耄矣功名未可必而  
奉親幹蠱弗躬其勞懼以惰忽貽譴物議自是不  
復專意進取竭力理家日益昌熾中表嘆其精明  
罔敢輕蔑兩世孀親相與從容順承公敬養盡禮  
各得其懽心公有飲量至斗不亂宅近市溪山環  
繞林木叢茂雅有隱居勝概公數十年優游其間  
禮賢樂善周急賑貧亶亶然爲之不厭前時士大



夫宦游桂山知公之賢凡得際見必降意容接公性雖和柔不樂邪詔鄉人有媚忌者或暗加傾陷公一切不校安分守正而已公祖妣外除堂兄及諸姪以先世所分田業未析輸自邑之郡自郡之外臺迭興橫訴意欲擾公脅財公據理應之有司不能枉以法至其人室惕請成假代輸之名求償厥費公又順母氏意欣然給之了無憾色聞者莫不服公之義公喜奉釋老嘗命畫師彩繪周天海會功德每修大善專潔精嚴有所禱祈感應隨獲忽寢疾恍若見蓮華院觀音境界有六僧謂曰捨身受身同菩薩相繼有三道士亦謂曰受參知識善財童既覺召二子語之且日所見如此吾其亡乎吾歲首自書門符所謂更將仁德重重積惟願兒孫世世賢正以警誨汝兄弟耳吾瞑目能慈和謹忍以保先業吾乃無憾言之次一日盥手整衣冠而逝享年五十有三噫公於死生之際可謂了然不昧矣公娶羅氏即公母氏之嫡姪女生二子長絳次紱業進士女六長適嚴燦次適承信郎陳輿地 塋墓 三五

永川縣志

卷二

明

鴻臚寺卿劉謹墓

在縣西南觀音井路旁墓前石坊石柱碑碣俱存

兵部尙書胡子昭與弟子儀墓

在縣西單石鋪山麓

雲南提刑按察副使古其然墓

舊志未詳其地今不可考

陝西武功知縣宋學通墓

在縣南宋家河壩宅後碑碣尙存○對山康海撰誌

銘公姓宋名學通文淵其字也蜀永川人江西袁州府萬載縣籍李唐時萬載歲稔其祖諱夢說者



奉詔出粟三萬石全活甚眾貞觀六年有司請於  
廷賜血映牒以光其譜知譜事許公敬宗溫公彥  
博並爲之押永川其支流也公以成化辛卯舉鄉  
薦宏治四年除陝西武功縣令公秉性端方威儀  
謹肅與人接言笑一無所苟左右雖久侍莫能揣  
其意向志廉潔謹守畏法太夫人李隨任就養有  
唐景母之風每旦將視事必跪而戒之日政在去  
其所害興其所利耳他務細故雖多無足校也公  
謹佩之於是極意砥礪至里老書筭與諸在官人  
終其任莫得民杯酒其政事期於均平任百方筭  
計窮奸極巧之人無能肆其夤緣呼集事簡約清  
慎靜坐無擾地里遠近皆有定約故卒無後議者  
又善勸勵學校日月督責諸生間有所毀心不以  
易也曰我職當如此后稷祠綠野書院皆所創建  
民欣欣向工若赴官途居九年以誣罷去莫不冤  
之然亦可以核其事矣濟西子曰予爲諸生時宋  
侯執守莊嚴蓋懷懷不可易矣邑有黃觀者得罪  
人之賂以侯與善也託解之侯廉知其事並逮觀

永川縣志

卷二

輿地

塋墓

三六

或曰此不可累觀公陞在旦夕倘弗利奈何侯曰  
彼善良無辜而死觀有以爲之今予明知其事又  
苟且弗決是上負邦典下負無辜鬼神謂何竟坐  
法不貸後以是成誣此黃觀陰爲之計耳宋侯去  
後所遺政卽中材之吏取而行之無弗效者至正  
德十二年始盡變無有矣書曰知之非艱行之惟  
艱行之而相傳勿替也豈不尤艱乎嘉靖十五年  
春正月吉文淵宋公墓阡爰考其世次發祥自唐  
宋以來先世祖諱良正大元延祐乙卯自楚之京  
山富水村移居蜀之永川鍾樓山麓世代源流錄  
有唐朝賜給家譜血映牒可考及高祖諱興仁生  
曾祖仁可元末爲元帥厥後子孫蕃盛分三籍顯  
祖德中生顯考諱義顯妣李氏正統甲子四月十  
二日生學通自幼勉學治書經中成化辛卯鄉試  
舉人宏治辛亥選任陝西武功知縣廉以律已公  
以蒞民關中頗有政聲司考政徐而不怠有守而  
有爲部考牧愛週而心服乎齊民存心篤而力行  
乎善政獎勵有方厭煩思靜秩滿辭歸妻劉氏得



子女各二繼汪氏撫之如己  
出長子懋政娶趙氏次幼

湖廣羅田知縣浙藩經歷羅勳墓在縣南九十里蓮花壩

安人張鄔氏墓在縣南四十里插旗山有賜進士中憲大夫陝西按察副使男張國珍合

墓碑碣知縣王恩民立墓前坊額云  
天袞錫寵有石人四石馬石柱各二

入祠忠烈蔣世鉉墓在城東真武山坎下忠義將軍收其屍葬此

戶部員外郎羅洪載墓在縣南九十五里大江右官溪子○子廷名撰誌銘嗚呼

先大夫捐館舍於今垂六十年矣而無志其墓者  
痛乎天之幾晦先德耶先是伯兄御史嘗欲乞海  
內名家言以垂不朽何歲在龍蛇弗克請孤廷  
名困諸生問無所交遊於公卿大夫恐先德久而  
遂晦也是用飲泣謹摭其實以志先大夫姓羅氏  
諱洪載道輿字許溪山人其別號也始祖諱勝二  
輿地 瑩墓 三

永川縣志 卷二

江西吉水燠下人元末避兵徙蜀家永川之松漈  
勝二生文文生志高世有隱德志高生瓊見邑志  
孝義傳瓊生鏊字循武宏治乙卯舉於鄉嗜古博  
物工墨梅故號梅軒云仕商州學正卒贈戶部主  
事廷名大父也大母許氏贈安人鏊生先大夫自  
少穎敏承梅軒公家學博極載籍拮据治百家言  
尚俠節義氣不可一世自為諸生輒以古名賢自  
勵每談天下事毅然色動見者靡不謂有古人風  
領正德己卯鄉薦明年庚辰成進士甫釋褐上疏  
斥中貴人蕭敬蓋是時敬方倭倖用事薦紳忌投  
鼠無誰何之先大夫為慷慨泣數行下必欲以死  
爭之上疏極言諸中貴用事不法狀及東廠羅織  
鎮守貪殘傳陞官爵提督軍營數事而其大要云  
蕭敬在宦官內號為讀書能文此眾人以為賢識  
者以為慮讀書足以益姦智能文足以飾姦言姦  
智足欺天下移主威姦言足盜時名惑主聽用姦  
人而中姦智信姦言天下事必至破壞侃侃數千  
言切中當時之弊疏上舉朝失色人人危之寢不



報而奸佞已褫魄矣已復因災異奉詔言事大略  
言今日所以召災致變者其大且急有四政刑失  
於外不改圖姦逆伏於內不覺察羣小日熾勢不  
可遏君子日疏志不獲伸言皆激烈一時風節凜  
凜海內推重比授戶部主事監督通衢會禁衛有  
肆為侵牟者先大夫欲繩以法因謀先發而前姦  
中傷之命下若雪治且瀕死賴司寇見素林公冢  
宰白巖喬公司徒九峯孫公暨九卿臺諫連章救  
免得左謫湖判尋遷貳常州俱有惠政民到於今  
稱之居恆購求秘書世所罕傳者必暇自手錄且  
校且讀猶諸生時以故一時海內知名如陽明二  
泉對山三先生咸雅善之居亡何用高第稍遷南  
京戶部尚書郎與銓部有相鑿柄者遂脫然掛冠  
神武歸而築室於江滸之上杜門讀書其中至忘  
寢食時或登臨山水浪跡形骸之外不問家人生  
產且復有向平之癖所謂經將涉五而州已遊八  
者所著有滸溪文集五卷大都文出昌黎文忠詩  
業少陵不為靡麗之論而談史談學語稍稍近論

永川縣志

卷二

輿地

塋墓

三

衡典論先大夫之名具是矣先大夫性駘麟不儕  
於俗而其中不少芥蒂即無識有識靡不願得一  
交驩之蓋先大夫生平雅慕陶元亮之為人故仕  
不大顯而亦漠然無所動於中也嗟乎士生斯世  
以明經取高第既得志即若弁髦於於唯唯取容  
當世致位通顯營營勢利而竟老死牖下名湮沒  
而不稱者何可勝道也先大夫甫釋褐首觸權奸  
瀕於九死屢挫不折愈益凌厲迨歸林壑而尤抗  
志好古沉酣六籍子若孫蕃且賢文足傳世先大  
夫可謂不朽矣孤不佞敢謬欺來世乎乃百拜為  
之銘銘曰生乎死乎混乎聞乎先  
大夫死而聞乎百世可徵於斯語

御史羅廷唯墓

在縣南大江右官溪子○張國珍撰  
誌銘嘉靖戊午冬監察御史羅公以

病得請告還蜀至河南新鄭卒十一月二十二日  
也傳訃至嗟嗟天乎悲哉乃為位泣未幾公弟廷名  
奉母張太孺人偕公配李孺人子太易年十二扶



公概過楚廷名致書亡兄幸與使君同舉進士且  
同里少習使君謹獻其行乞使君一言銘諸墓不  
倭知公稔故弗辭公諱廷唯字會甫別號貫溪其  
先為焮下羅氏始祖勝二遷蜀之松漑鎮是為永  
川人五世鏊商州學正生洪載南京戶部員外郎  
丈夫子五長即公也初戶部娶贈安人成封安人  
龍俱艱嗣張太孺人始生公及廷名公生戶部公  
諫謫常州署中白晳纖弱如不勝衣然丰神夙異  
戶部公甚奇之舞勺就外傳問同戶部公寢帷公  
口授經史輒成誦所閱六經羣史諸百家言靡不  
鎔液沉酣其中尤力攻古文辭十八補博士弟子  
是時已多纂述聲藉甚諸生問其體裁率宗兩漢  
之繩而匠之自己其討論多訂諸家之謬而抒之  
於微十九丁戶部公艱哀毀幾滅喪葬如禮日事  
張太孺人色養愜其驩友諸弟如已雅性好施與  
周急貌恭而中不可犯或從儕伍中談天下事公  
笑弗應識者窺公有擔當才王子舉於鄉癸丑成  
進士試改祠部以詩謁宗伯南堃歐公三渠王公

永川縣志

卷二

輿地

塋墓

三

有蘇軾本寒素而復生眉山之句二公心重之每  
遇顧問贊廟謨者咸諮焉乙卯令棗強棗號騎射  
寇者六百餘公欲以渤海治之適案有許論者罪  
當辟諳寇出沒公廉知聞於直指令立功予宥典  
遂除騎寇六百有奇羣盜屏跡初猗胥挾文書嘗  
公佯不省署之已升堂詰謫其姦羣胥吐舌輸罪  
公機警敏捷絕人案牘雖繁手自裁訂動協憲典  
邑有夜殺人出妻者誤執其先夫劉美撰拷掠誣  
伏數年公鞫知冤為平反釋之鄰邑王相者家累  
萬計殺人妻致傷七命律應傑業再文奏鞫者如  
其賂久依違弗決直指下公讞公鈞致隱情坐如  
律人推神明棗俗悍而輕生即小邳輒自經公反  
坐之俗乃革漢儒董仲舒舊祠於景德兩州公稽  
沿革董為棗產建太原書院以祀捐俸購經史羣  
書肄業諸生既廩不輟士貧苦婚葬泊廢七著厚  
周卹之士得下帷講貫競敦行誼賢科濟濟起矣  
又做董子種麥遺意措粟二千五百斛建廩貯書  
院春貸貧民秋不責息勒石為永計流移始皆歸



業至新邑城以警斥嶽葺段公祠以表忠節勸農賑孤治最三輔臺薦屢上召拜御史將行棗人家泣戶送富者釀金八百以贖謝不受至京甫朞月士民問遺無虛日御史大夫崦山周公峻風裁慎許可得公實授疏上振紀綱肅官方四事一一中時弊遂奏公名第一有博古濟變之稱會倭寇跳梁詔邊才議舉廢依附者以言為諱公論列侃侃凡舉稍不當者釐引曲證無少避忌即馬遷之保李陵孔明之薦馬謖悉坐舉者疏上報可朝野失色天下快之尋命督理倉儲夙稱弊數武弁轄運肆侵牟以恣統袴舊沿姑息不問公論奏抵法人人氣懾又疏上糧餉八議紀綱清肅國計賴焉其他鯁論危言雖未盡用而陰裨社稷者不少公自作邑晉西臺太孺人與弟廷名俱公每退食必壽太孺人前嗟嗟自喜效萊子嬰兒狀更體鞠哀分惠弟博太孺人驩心太孺人嘗曰若何以給朝夕似喜其廉而高其義羅之先有企生者兄弟以忠孝著為公遠祖公可謂克紹前芳已公垂髫癖

永川縣志

卷二

輿地

塋墓

三

文史即登進猶卷不釋手以是抱疾竟不起所著有貫溪文集琴音古選棗強邑略葵心亭紀聞哀萃漢相如子雲集音釋合若干卷餘散逸公卒後里中月旦津津左袒公前鄉賢趙公東舉以多繡當左席公名位與埒因並列如聯珠亦身後之耀公子太易英英秀發業治西京以上湖墳典有父風卜歲已未三月十六日葬公大江之右距生嘉靖丙戌得年三十三嗟乎天何奪公之速乎不佞拔淚摹擬公弗獲肖荏苒十餘年辛未刻石時太易已副解省闈矣不佞喜躍如狂悲鳴如哽視昔作若隔世語而憶公眉目宛然遂更為之銘而深幸公之賢有後銘曰而亢宗而子亢宗文與節世先公年奚嗇豐於戲而庶幾不朽於天壤中

陝西按察副使張懷覃墓

在縣南松澗鎮石佛寺山後

雲南迤西道王南墓

在縣南尹家橋官黃溝



山東鄒平孝感知縣鄔志皋墓

在縣西南青峯里陶對山○羅廷唯撰誌

銘公與先君暨古先生季顯微時為莫逆交以歲寒三友名其居先君為之記道義相切嗟近世所未有也古先生不祿先君仕而歸歸而沒於其葬也公臨焉哭之慟每薦家廟必南向為先君酌一觴遇唯不啻如先君存時暇輒過我策勵諄至雖嚴冬深夜疊疊忘倦務以遠大相期而唯之領略亦不異侍先君也嗚呼公今亡矣以嘉靖乙卯七月十一日葬於青峯里陶對山原唯適與計偕不獲執紼子伯敦抵書以銘來屬唯安忍銘公也哉雖然唯之被公愛也最深故知公為獨詳亦安得不為公銘哉按狀公諱志皋字舜舉渝西其號也系出江西始祖琳避亂入蜀家永川迨公七世矣族盛為邑之右祖紘父滿皆有隱德公性資穎異七歲習經術知屬文以奇童見稱里正舉於縣縣請於督學使者下邑庠肄業歲十二列弟子員勤學好問不分寒暑夙然為士林望其言論慷慨氣

永川縣志

卷二

輿地

塋墓

三

節端峻凡脂韋挈楹者必遠之杜口不及勢利惟民瘼則汲汲如切已焉正德季年流賊充斥兵憲張公咨弭盜狀議者挾私見欲公建縣以扼盜衝公奮然條陳不可者八張公納之賜彩幣白金侍御楊公按蜀亦下檄求言公上治理七要楊公一見遇以賓禮自束髮以來其氣概類如此雖久滯場屋奮往益銳嘉靖乙酉文戰復北乃執所業走江陽覓主易房者求指疵弊其人為之嘆惋謝失人也歸來益力於學丁亥應貢詣成均受學司業陸公之門深見器重同舍生多從之遊者戊子春事竣告歸陸公日子說我多矣吾將以兒輩侍講席留汝京闈耳而食空乏我當繼之勿歸也公固辭陸公曰借使順天取士三十汝亦當與何患乎及揭榜果列名三十陸公大喜擬以高第已丑不利還蜀砥礪如初廿守清苦不事干進壬辰入試列副榜及乙未戊戌凡四試禮闈始就銓選授山東鄒平令公務潛咨民隱以過惡長善為首務蒞任之初直大旱有方巫以禱雨奇技自許白縣不



費一錢公佯諾之既而叩其所費甚重公叱曰左道也遣之移時大雨鄒人曰此公心禱也若巫得焚隻字將藉口而詭道熾矣民有訟者令自相勾喚隸人不得輒下村落兩造備則移晷與斷吏無所容其奸後民為立去思碑略曰徒手而來徒手而歸朝至於庭暮還其間其妻子尙未之知也公志操堅白士大夫無敢干以私撫巡藩臬交檄獎異學舍傍重立伏生祠未訖公曰伏生從祀廟矣且郊有塚家有祠茲非贅乎請於都御史王公報毀以修葺邑治之退堂無何王公擢去適鄉宦耿某素强悍與繼掌院事者有舊因挾求祠材以飾其坊公執不之許耿乃力讒之京朝議欲右之而忤者當塗乃以孝感難治調公補之公治孝之政益善於鄒民間孝弟者旌之耆耄者恤之流竄奸豪數十輩一境為之肅然修西湖書院業門下者三十人晝理公事夜則討論詩書捐俸以供費士風不變縣北七十里鎮曰新店界河南素為盜藪公悉以術致之處死於鎮上鄉人乃安有積猾某

永川縣志

卷二

輿地

塋墓

三

者賄府主謀簽管倉稅公執拘不許另簽以收其半未幾而府簽者果敗事巡按核察其事乃劾府至回籍公以廉能受賞公曰此禍萌也吾從茲逝矣乃解組以歸家食數年未嘗通刺有司但事切生民必直言不諱而有司亦諒其無他也每晨焚香祝謝天地願陰佑聖君賢相蚤生孝子慈孫而已立家廟一曰奉先二曰合祀三曰廣恩自著其說而屬唯紀其事其敦本厚族一出於至誠殆有難乎殫述者也晚年與唯極論時文之弊欲力去尖新務崇典雅且於科目之中參以德行使士子知所返本嘗欲著為一書以明其體要不幸齋志而逝悲夫銘曰山迤兮而窈水秀兮而澗維山公之節維水公之文山兮水兮隆然其中者是日渝西鄒公之幽局銘此貞石億萬年攸存

貴州樟梓縣知縣潘懷昱墓 舊志云在艾家灣未知其處

員外郎潘紱墓 在縣南三十里中溝



工部給事中彭瑄墓

在縣西枇杷灣墓前有石坊一石柱四

中憲大夫凌文炳墓

在縣南四十里甘家崖古石樓側碑記尚存

光祿大夫凌文賁墓

在縣南四十里馬鞍山石院子碑碣尚存

光祿寺少卿工部侍郎凌伯曾墓

在縣南四十里馬鞍山石院子

巡城兵馬司凌鴻儒墓

在縣西青峯塲凌家堂

撫州府照磨梁青埜墓

在縣西石壩子碑存現在

山西平定州同知凌皋墓

在縣南十里欄杆灘

中政大夫凌叙典墓

在縣南臨江塲龔家灣

河南南陽府同知凌化曾墓

在縣南臨江塲邱家山

永川縣志

卷二

輿地

墓

三

太僕寺少卿雲貴學政凌夫惇墓

在縣南三十五里陳家塲

烈婦帥胡氏墓

在縣東通濟橋側碑碣尚存

烈女查妙蓮墓

在縣西南四十里珠玉寺坎下

潘紱妻冷恭人墓

在縣南陳食塲梯子坎

思南府鎮殿將軍魯國良墓

在縣南代通寺張姓宅

雲南都閩府袁成章墓

在邑南臨江塲老師灘坎上

將仕郎宋宏政墓

在小南門外五里

國朝

河南安陽知縣凌爾炤墓

在津邑游溪水井灣王家山



廣東長樂知縣凌爾春墓

在縣南三十五里陳家塲

康熙辛卯舉人凌爾泰墓

在縣南四十五里晏家溝  
鞍子山

新都縣教諭凌育德墓

在縣南四十里蔣家巖老鶴  
邱

雲南副將何寶芳墓

在城東官井溝妻陳氏子鳳翔  
墓在城南崩山石明鏡對岸

陝西清水知縣羅奇英墓

在縣松溉鎮獅子山

貴州同仁知縣改眉州學正周來儀墓

在縣東金魚  
塘

貴州開泰知縣李天英墓

在縣南十里麻柳河東嶽  
廟對岸星山

貴州八寨同知魏倣祖墓

在縣南三十五里馮家坪

營山縣教諭錢學箕墓

在縣南五里天堂廟

永川縣志

卷二

輿地

塋墓

三四

成都縣訓導阮燮墓

在縣西九子橋

河南湯陰知縣羅世德墓

在縣東十里瓦子鋪大路  
側

雲南賓州吏目張綬儒墓

在縣南興隆場牙床洞

浙江永嘉縣縣丞張繪儒墓

在縣東十里白埂子

福建龍崖州分州劉摺珽墓

在縣南黑石峯

恩賜進士翰林院檢討石多梅墓

在陳食塲梅子灣

武略佐騎尉羅諦龍墓

在縣西潮水屋基妻安人蔣  
氏墓在縣東南二郎廟

蒼溪縣教諭王成鳳墓

在縣西七里枇杷灣

山西曲沃汾陽等縣知縣羅宗海墓

在縣東三里亂  
石窖



合江縣訓導陳之侃墓 在縣南二十里傅家灘

舉人張國均墓 在縣南滴水崖弟恩貢國坤墓在高鼓帽宅左

松潘廳教授李同桂墓 在縣南十里靖州壩

眉州學正周騰蛟墓 在縣南八十里清泉寺

通江縣教諭袁秘生墓 在邑南陳食場河壩白虎嘴

梁山縣教諭袁中秀墓 在邑南陳食場河壩梨樹屋基

中江縣訓導盧成勳墓 在縣南二十里王家庵

巡檢張緻儒墓 在縣東白埂子新地灣

通奉大夫黃文揚墓 在五間舖西石堡灣

永川縣志

卷二

輿地

塋墓

三五

通奉大夫黃天貴墓 在縣南六十里聖水寺北岸游家屋基

道銜福建臺灣知府黃開基墓 在縣南四十里盤龍橋

東鄉縣教諭黃開第墓 在縣南臨江場石板田

朝議大夫黃開祥墓 在縣南何家坡四方井

同知銜歷任福建知縣黃開先墓 在江津白沙鎮四里馬鞍山

福建布政司經歷黃培元墓 在臨江場官斗山子平武訓導秉和合墓

福建建寧府知府黃體元墓 在縣南五十餘里石厰坪

黃開第妻陳恭人墓 在江津縣朱家沱對岸獅子山

崇化綏靖懋功都司凌雲墓 在五間舖東葉家橋宅後



花翎貴州歸化廳同知郭烜墓

在五間舖東八里郭家壩

通奉大夫黃保元墓

在五間舖東北鬪虎橋

奉直大夫黃熙元墓

在五間舖東五里吳家壩廳房宅左

六品銜貴州永甯州吏目黃起元墓

在五間舖西黑漆財門宅右

灌縣訓導吳三榮墓

在何家埂礮盤山

丹稜縣教諭吳偉份墓

在何家埂礮盤山

振威將軍吳惟弟墓

在何家埂塘坎宅右后土灣

乾隆己酉解元魏德牖墓

在縣南三十里桐子園

嘉慶甲子經魁蔣元珪墓

在縣南金雞嶺

永川縣志

卷二

輿地

塋墓

三

文林郎魏金濬墓

在縣南長灘河

道光己亥舉人晏嘉賓墓

在縣南石柱灣

文林郎陳明潮墓

在松溉黃葛樹街側甘家坡

奉直大夫范運祥墓

在縣東五里接官廳後

范運祥妻陳宜人墓

在縣南六里龜魚寺樓板溝

范運祥妻盧宜人墓

在縣北十里古家坳長坡

奉直大夫范臣璋墓

在縣南六里龜魚寺樓板溝附宜人陳氏墓

范臣璋妻楊宜人墓

在縣南五里孔家灣

范臣璋妻劉宜人墓

在縣北十里箕山坡竇家牌



奉直大夫范臣書墓

在縣北十里古家坳長坡耐宜人盧氏墓

范臣書妻廖宜人墓

在縣南三里沈家壩松林坡

范臣書妻李宜人墓

在縣西二十里響水洞烏龜堡

奉直大夫范臣槐墓

在縣南來蘇場五里許尖山子

范臣槐妻彭宜人墓

在縣南來蘇場五里許尖山子與夫臣槐合墓

奉直大夫范國材墓

在縣南七十里水碾場雲封寺左桂萼山

范國材妻賴宜人墓

在縣南七十里水碾場雲封寺前獅子山

奉直大夫范國瑞墓

在縣南七十里水碾場雲封寺左與奉直大夫范國材合墓

范國瑞妻陳宜人墓

在縣南七十里水碾場雲封寺前與宜人賴氏合墓

永川縣志

卷二

輿地

塋墓

三

歲貢生註銓教諭贈宣武都尉

杜文炳墓

在縣北二十五里丁家巖下鄔家嘴

杜文炳妻曾恭人墓

在南關外石硯山

杜文炳妻李恭人墓

在縣南十里鄧家新橋坎上

宣武都尉杜元杰墓

在縣南十里麻柳河柏樹灣

乾隆戊申舉人陳思濟墓

在南關外石硯山

道光乙未舉人鍾烜墓

在縣西三十里黃葛樹葛藤灣

奉政大夫晏起廷墓

在五間鋪二里瓦廠灣

奉政大夫晏樹棠墓

在五間鋪二里晏家灣宅后

奉政大夫晏樹材墓

在五間鋪二里巖灣右坪



修職郎周昌振墓

在縣東三十五里牌樓灣宅右

周昌振妻卓孺人墓

在縣東三十六里石壩子宅左圍子堡

周來儀妻胡宜人墓

在縣東六十里沙山橋進士屋基新宅左

武舉鍾騰鰲墓

在縣東十五里石梁橋水鴨沱

武舉張國安墓

在縣西八里大冲方塘屋基宅前

中憲大夫蔡大秀墓

在縣南六十里柏樹灣祠右大壩場翰林院檢討童棧撰志

中憲大夫蔡光璧墓

在縣南五十里太平場地口屋基

南江縣訓導晉夔府教授陳家修墓

在何家埂南十里大柏林宅左

義塚

永川縣志

卷二

輿地

塋墓

三

民間墓地原難悉書若夫義塚之設或置自官長或置自紳耆使貧無寸土者皆得死有所歸不至投骨於水火誠善舉也永邑除四路附城外各鄉市鎮亦在在有之但一場多至數處一處延至數區故與捐置姓名均難縷析開載後之近其地者倘能常培以土無任遺骸暴露焉庶不負仁人君子之用心矣按塋墓一曰墳墳必封土故亦謂之封既封矣或砌以磚石或表以碑碣仕宦者或兼豎以坊柱子孫識之鄉里見之尙何慮後世之人與枯骨爭此片壤乎



顧第鋪張揚厲使後世無敢毀傷者又不如擇地先  
慎之爲得何也葬者藏也要在擇地之燥且潔者後  
世不爲田塘不爲城郭如前哲所云數者而已今人  
惑風水之說往往卜良田沃土構作佳城不思我能  
棄田土爲墓臺安保代遠年湮不轉平墓臺爲田土  
嘗見隴頭塍壁荒塚纍纍至有觸躐暴露農夫牧子  
戲弄傳觀然後委諸溝壑者非其先規占膏腴何由  
致此况宦墳民墳廣狹皆有定制以一穴之墟曠廢  
多且數畝恐未及百年邑中高原已無餘地又賣業  
家除留太廣亦每因墾種越畔遂有啟雀鼠爭者則  
仁人之愛其親可以審所從事矣



古蹟

舊志古蹟一條列碑碣於其中吳季子墓碑引碑目考云在昌州北山相傳為孔子書又云今在北山尙存數字係篆書確鑿如此乃不指北山何名而以滎昌大足自歧其說豈永之北山他邑通為北山耶考元和志永川縣南接延陵英山延陵或因季子得名亦未可知但吳蜀相去數千里季子隱士疑不至遠葬於此今碑碣並附建置志坊表後吳季子墓則古蹟之中不敢妄錄欲紀實故也

永川縣志

卷二

輿地

古蹟

海棠香國

墨客揮犀李丹授昌州以去家遠求易

便地劉淵材

劉一作彭

止之曰昌州佳郡也李問其故

曰海棠無香產昌州者獨香非佳郡乎又宋慶厯時洪雅令沈作海棠記云海棠有色而無香惟昌州色香俱勝按永初置縣實隸昌州故與大足滎昌並稱古海棠香國

石鼓樓

載入府志在縣署前明宣德二年官紳為

永川王建規制詳建置志廡署下

仙人蹟

載入通志在治南四十里石上有雙足痕



大如箕地屬通衢過者無不稱異今之石腳蹟場

以此名也蹟在場西數武豬市堡又西北五里石上有蹠痕

四世傳為仙人馬蹟

松化石 載入通志輿地紀勝在縣南來蘇鎮相傳

有松化石石質而松理或三五尺許大可合抱俗

呼雷燒松杜詩所謂萬年松化石即此邑中八景

之一也知縣張時照詩傳聞松化石翻疑石化松石松誰嬗化風雨脫虬龍○教諭諸華詩

昔人浪說康山石此處相傳霹靂松鑿壁青鍼磨

歲月眠雲赤甲自春冬日中慣作擎天蓋月下驚

看伏地龍造化鍾靈多莫測使人千載憶元封○

又八角山亦有此石邑人李天英詩蒼松化石三

水川縣志

卷二

輿地

古蹟

聖

千年此語我聞馬自然曾向永康山上見風雨慘

裂霜皮變文人好事相餽貽琢作枕材與琴薦八

峯寺前人不知老牛礪角嬉牧兒山僧指點向予

說與松坪石同離奇或眠或立或破碎瓜甲已沒

龍鱗在古心苔繡掩奇姿鐵骨雷燒起狂怪幽人

采藥求長生何不化作千歲苓亦有大廈要梁棟

工師弄斧搜青冥伊古大材恥小用泥蟠聲價干

金重不隨怪石伴僧寮雅與鉛松充禹貢我欲移

爾石筍東展放直幹撐晴空我欲移爾石筍北鎮

壓水怪波濤息捍災禦患人祀之長使功名書鼎

九鞬石 在治西七十五里石有九如鞬康熙三十

三年黔人得識語云英山里中石盤舖九鞬石前

銀一窖訪至其地掘石旁無銀得頭盛一具古劍

功名書鼎爨

爨鳴呼長使



一柄鄉人共執之遂棄劍溪中後水涸漁者常見不敢移動相傳動則必有殃云

蝦蟆石 在治南九十里松漑鎮下游一石立大江邊形如蝦蟆每江水泛漲封蝦蟆口則大磯腦灘勢極險故諺有水淹蝦蟆口上下不敢走之語

倉寶石 在治南何家埂高洞橋下游溪中二石屹立高丈餘並如倉然頂上積土生草水漲時波浪洶洶草卒無恙鄉人異之故名石爲倉寶

龍甲石 在縣南二郎廟數里石上有槽約二丈許狀如龍鱗瓜俱著古色斑斕風日不蝕下有溪曰龍塘相傳爲神龍潛伏之處

白馬石 在雙鳳場西三里瀘龍山麓石有四大者丈餘鄉人屢見白馬卧其上趨視已杳卧痕宛然石魚 在治南梓潼場里許溪中有石長丈餘酷似魚形溪因名石魚河魚背一天星窩旱乾水不竭人咸以爲靈異或云自他處飛來者未知確否

石海角 在縣南四十里杜家巖巖邊一石大丈餘中空有數竅風撞則鳴類海角聲亦石之奇者也



石箭溝 在治南十里瀘龍山溝中一石有受箭鏃

痕相傳古仙人射物矢墜石上深入數寸今遺痕

猶存

梳粧臺 在治南來蘇場外太平山山坪一石平如

月臺相傳昔有仙女曾梳粧於石上因名

仙女洞 在時和場西二里巖楞下高六七尺濶丈

餘聞古有二仙女修行於此今洞內石竈如故

鐵嶺山石字 在治東十五里石壁鑄鐵嶺山三大

字前明嘉靖間巡按李欽書擘窩深刻石漸剝蝕

永川縣志

卷二

輿地

古蹟

四十三

點畫尙可辨今里人就故窩重刊之塗以硃

東山寺銅佛 在治東里許寺有銅佛三尊明萬曆

四十六年邑人李翰言子釗鉦奉寓雲南鑄造者

像甚古

又治東東嶽廟城南古井街僧會寺松漑鎮觀音閣各有銅佛皆前明時所鑄造

石佛巖 載入府志在治東南陳食場山有石洞三

中刻佛像大小千計非神功不能爲也今巖邊建

樓三層殿宇宏壯

卽佛巖寺

盛暑時遊人至此銷夏題

詠者甚眾

牛眠口 在仙龍場西五里幹山麓開一了口甚狹



如門戶然中有石類牛眠嘴鼻皆具不半里復開  
一壩名曰牛窩

唐爛柯洞 在公署後真武山詳碑碣中今洞久已  
封閉

卧龍潭 載入府志在治南三里望城坡下潭水深  
幽相傳有神龍宅焉禱雨輒應今遇旱試之猶驗

龍洞 府志作石洞在縣西英山間英山即五華山洞極深

邃有龍窟其中窮絕處一潭清泉活活琤琮可聽  
或漂出舊篷破板疑與江河相通每晨旭初升煙

永川縣志

卷二

輿地

古蹟

四

霧蒸騰燦如霞綺邑八景有龍洞朝霞即此知縣張時

照詩積水依靈物煙雲吐納中朝來作霖雨不與  
赤霞同○教諭諸華詩神龍那得隱山中山頂朝  
朝紫氣冲潛比在山諸葛叟噓如出谷老聃翁五  
花煙樹連雲碧三月波濤繞澗紅九二見田應有  
用及時雷雨荷天公○邑人凌冲曾登龍洞山詩  
龍洞尋幽上五華真奇峭排闥萬峯青出沒山猿  
嘯禪室紫茸香香積飛嵐照欲覽洞中奇試問誰  
先到老僧笑向前籠燭為我導石隙敞樓臺幽邃  
通元竅舉頭望假山秀吐峯凌釣流水瀉玻璃雅  
奏南薰調不是好探奇那得龍宮妙元季與桑門  
步出成 不數武又有乾龍洞亦高廣幽窅旁豎宋  
三笑

知縣遂甯陳讜紹興八年禱雨有驗碑碣自製詩序讜備

員縣寄偶因亢旱躬詣英山靈應洞祈雨有感承  
僚友杜汝美遊巡寵示賀雨一詩聊繼原韻令鐫



之於石庶知此洞之靈云○影響從來速置郵旱  
凶水溢信人由霜飛燕地豈無故東海大旱誰貽  
憂天災流行古雖有孰曉德政能徵求俗薄道喪  
不復見大言鮮恥惟怨尤豈知先型載典則一事  
可紀無不收罪已興師將早弭堪鄙攪潭懸虎頭  
近世祈禱循古理遠詣巖穴搜龍湫瓶罌纔及雨  
立至洗盡一境家家愁郡縣豈無古蹟在正好遵  
奉為良籌夫何處禱方獲應矯舉欺誕違神謀爾  
來境內旬不雨社酒何日得相酬我聞英山有靈  
洞距縣山川甚阻脩躬率寮案事齊潔一款閔宇  
何深幽天造地設神物護巖壁伏怪多層樓高低  
洞戶不可數人去直體或且勾稍稍陡下及井底  
寒潭湛湛風颼颼入洞酌請一壺水出洞已見陰  
雲浮道釋吏民駭神速中夜果見蒙神床圭璧有  
靈早魃走雨勢霧霈聲相伴信宿雨意殊未已秧  
畦上下浪爭流行將龍雨歌霑足漕運何苦須牽  
舟信哉寮案為民切不作避暑河朔遊哀拙有幸  
獲靈應為政何以堪民謳○邑人李天英龍洞尋

永川縣志

卷二

輿地

古蹟

聖

水源詩兩山夾束中如礮古木馭蔓參雲霄桐花  
落盡子規喚雨蒸山腹風騷騷幽人卜居此山麓  
課耕課讀忘疲勞一村樸質似太古或水而釣山  
而樵渴思命駕苦轆轉折東况復來相招半喜花  
園落吾手痛飲何辭百瓢酒酒罷還尋古洞遊甘  
以醉骨投籠口兩吻開張吐去霧一徑谿訝入昏  
黝村翁秉炬欲前導碎訇似聽雷車吼退磨古碣  
讀遺詩字存一二毀八九馬鬃甘澤紀紹興乃知  
靈氣從古有問龍乞水尋澄潭石柱倒向頤中含  
苔蘚結花玉生綠細泉吐沫珠盈龕詩腸枯澀酒  
喉渴蹲石挽袖漱清甘須臾風起鼓寒浪龍疑遭  
睡元珠探回首暝色壓高嶺火急歸去鞭羸驂主  
人洗盞續然燭半  
枕幽夢春酣酣

仙壇 在縣西英山中山故多石洞此洞之前舊有

仙壇 邑人凌冲曾詩山前石洞舊仙壇欲話仙蹤  
事已闌一片白雲數竿竹至今留待野人看



聖水 載入府志邑之八景一曰聖水雙清在治南

六十里古寺後巨石上凹二孔如盃深不可測水

出甚清冽久旱未嘗涸也聞古有修煉家飲此水

得仙去云知縣張時照詩突兀一卷石清冷雙井

寒漢皇如遇此承露不須盤 邑人羅

勳詩白雲堆裏一逃禪聖水驚看泛二泉海眼衝

山活潑潑瓊漿裂石細涓涓露盤交溢仙人餌流

水雙收隱者緣怪底化機

隨處顯亟稱何但在前川

大竹溪 在治南雙鳳場外二里亦邑八景之一溪

濱多竹雖晴明晨視竹間雨痕滴瀝蓋地氣上蒸

有餘潤也舊志誤繫上游一石巖宛如獅口口中

小竹溪下

永川縣志

卷二

興地 古蹟 巽

有古石刻聞係題夜雨者後因塑觀音像刊去大

半餘已不可辨矣知縣張時照詩菜竹溪頭嫋夜

來風雨聲子猷千載好吟嘯竹

溪清○邑人李天英詩春風吹碧波夜雨半篙足

-12 208 48 928" data-label="Text">

桑柘已滿林不見橋南竹紅襟雙燕子剪破一溪

八角井 載入通志在縣西南十里莫知其處今縣

城東門內亦有一井八角釐然汲此水者甚眾

龍會井 在縣西紅爐場井中一石似龍頭泉從口



出終歲不絕井上一石似龍尾有鱗甲痕

甘泉井 載入府志在治南漏孔河白衣大士廟左  
不知掘自何人泉水甚清病者飲之輒愈蓋亦古  
橘井之類也

石龍井 在九龍場外八里石龍坎下平曠處不知  
開自何時水深數丈清涼甘美手可掬飲愈晴愈  
旺里人汲取不竭

英井 在縣西三十里英山下深不可測水從石隙  
中湧出與龍洞流泉交會處里人立一石字閣高

永川縣志

卷二

輿地

古蹟

七

二丈餘

天生橋 在石廟場東十二里長八丈濶六尺許不  
假人工自然成橋因名天生橋

羅漢洞 在縣西羅漢場左洞本古刹明末兵燹後  
神宇俱毀僅存羅漢象一尊有碧水從洞中流出  
如血然遊人稱爲福地焉

響水洞 在縣西雙石橋灘下石壁中空水擊之聲  
聞二十餘里洞深可避難內有石漿滴成佛象一  
尊與繪塑無異



石豬槽 在五間舖場西六里路旁石槽三相傳昔  
有豬食槽中人見之起躍數十步遂化爲石今田  
內三石猶似豬形與槽並無恙

老君爐 在水碾場南十里老君山江永交界處與  
境內石筍峯並峙山巔廣約丈餘上塑老君神象  
丹竈猶存石刻天下奇觀四字又有一石如盂水  
常不涸傾之復盈

石竈頭 在茶店場南六里洞石壁爲竈狀類生成  
蓋古仙燒丹處也相傳前明給事中彭瑄未通籍

永川縣志

卷一

輿地

古蹟

巽

時結廬壁下讀書就丹竈自炊焉

福兒洞 在縣東十餘里翠峯山石間有洞甚狹人  
蛇行可入乍窄乍寬頂類覆釜中窪而多竅各啣  
巨石如蓮子在房撫之動撼之不落健兒解衣至  
其所能上踊以手摩之則獲福故名福兒洞

附舊志八景

石松百尺 聖水雙清 龍洞朝霞 竹溪夜雨

鐵嶺夏蓮 桂山秋月 三河會碧 八角攢青

並見上與前山川



按儒者網羅舊聞古有遺跡並宜考證如司馬公少  
時西至崆峒北過涿鹿南遊會稽窺禹穴數千里外  
不憚登臨况近在鄉邑間哉永多奇蹟因舊志採錄  
未詳故入本省輿地各書亦寥寥無幾後之嗜古者  
倘能穩著芒鞋徧加題詠則景以人傳卽山川有因  
之生色者矣

永川縣志

卷二

輿地

古蹟

四



物產

天不愛道地不愛寶兩間之形形色色日異而月不同者凡以供生人之食用而已然氣有寒燠土有剛柔橘踰淮為枳貉踰汶則死其地氣然也永之所產別無珍奇惟日用飲食取之無窮用之不竭則不得謂非土腴之利也若夫陸離光怪玩物雜陳適足為喪志之資君子不取故籍其切於食用者著以為民之質云

穀之屬

永川縣志

卷二

輿地

物產

稻

粒米總名說文稌也周頌豐年多黍多稌曲禮曰嘉蔬周禮稻人掌稼下地疏以下田種稻故云稼下地六書考稻性宜水亦有同類陸種者謂之陸稻種類不一不黏者為秔稻即俗呼飯穀黏者為粳稻即俗呼酒穀時有早晚色有赤白江南一歲二熟故吳都賦國稅再穫之稻永在川地歲惟一穫護本再萌謂之稻孫名類甚繁廣志有虎掌稻紫芒稻赤穠稻白米稻又有蟬鳴稻以六七月蟬鳴時熟謂之早稻

蓋即永地常種也

麥

大藪也說文天降瑞麥一來二藪象芒刺之形如足來也詩貽我來牟故麥字從來從夕夕音綏足行也來象其實夕象其根漢武帝勸民種宿麥注歲秋種之經歲乃熟故名宿麥孫思邈曰麥養心氣其功除煩止渴收汗利溲止血春秋他穀不書無禾麥則書誠重之也種類繁多有穗芒而粒尖者俗謂大麥有穗出六稜無芒光滑者俗謂油麥有穗短首重稔粒密綴者俗謂大頭麥有穗長有



芒穗方無芒而粒均疏落者俗謂小麥川皆有之永地兼蒔其種

### 蕎麥

即菽麥一名烏麥一名花蕎色紫粒有三稜握之刺手易長易收春秋兩熟磨麵如麥故有麥名作餅味不逮麥亦可療飢永地雖不重亦時藝之

### 御麥

俗謂苞穀也以進御得名莖葉粗大差與蘆同苞長於節每本二三苞不等鬚如紅纓熟時粒排密挺露有黃白花斑色可煮酒為餅川地別郡為多永但於蔬圃間植之

### 黍

爾雅有秬秠注均黑黍但中米異耳永俗謂黍子者莖葉似禾而堅穗同蘆粟而小子疏落下垂粒圓色白性黏而滑為粉糗可飽食邑間有種者蓋即黍屬也

### 眾秠

爾雅黏粟也音義眾音終秠音述字解云稷之稷者本草云秠米味甘微寒主止寒熱利大腸能治漆瘡今邑所稱小米梗葉似禾而粗穗長垂尾粒細如芥稗裏層多必數杵乃盡色黃蒸熟搗

## 永川縣志

## 卷二

輿地

物產

五

為資極鮮美亦可釀酒蓋即秠類也

### 蘆粟

本草名蜀黍蜀秠又名蘆稭狄梁一名高粱注云春種秋收莖葉似蘆高丈許穗如帚粒如椒有間白紫色二種永地但有紫者用以煮酒故種者極多

### 胡麻

即脂麻俗作芝非以多油脂名也沈存中曰古中國只有大麻其實為黃豳詩禾麻菽麥五穀之一張騫自大宛得來故別名胡麻李時珍曰胡麻取油以白者為良服食以黑者為良取其黑色

通腎兼能潤燥花曰麻勃實曰麻蕒永地多種之

### 毛稗

俗名糝子莖葉似黍穗若粟而分歧狀如鵝掌熟時刈之則節次萌長歲可三穫研粉作餅粗糲可食故又云救荒穀飼豬易肥永地山種為多

### 大小豆

物理論菽為總名亦統稱莢穀角曰莢葉曰藿可飼豕莖曰莢有黃白朱黑青綠赤斑諸



色均可作豉為腐造醢榨油朱黑尤可入藥陶華以黑豆入鹽煮常食補腎蓋豆屬水性寒形既類腎色黑通腎以鹽引之實為妙藥黃山谷救荒法黑豆貫仲各一升煮熟去貫曬乾日空心啖五七粒食百木枝葉皆有

蠶豆

即詩所謂荏菹俗呼胡豆方莖中空花開如蝶粒扁如粟較諸豆為大可常炒供酒食于寶晉

書蔣濟謂宣王曰鴛馬戀棧豆即是一物也永地偏種之

豌豆

蔓生葉似蒺藜莢長粒圓如丸苗嫩茹食味極鮮一種俗名菜豌豆可連莢煮食永人嗜之

飯豆

永地俗呼蔓生附物粒同雞腰一莢數顆有白紫花斑各色煮食可充飢故以為名

綠豆

綠以色名俗作策非粒圓而頭平性涼解鬱熱及金石砒霜草木一切諸毒生研調水服之

極效治癰疽有內托護心散尤妙邑人常當蔬煮食或和米作粥

永川縣志

卷二

輿地

物產

五

蔬之屬

青芥

俗呼青菜葉大苗高味甘寒和血氣快腸胃熟可潤肌生能豁痰子能降氣傷寒後禁食恐致

虛耗永種極盛有各色粉而光青者有色紫而翠紺者莖有扁桔二本春深抽苔開花結莢子細如珠

苗遇霜味更甘美故云冬末晚菘

白菜

葉白脆嫩莖扁薄衛心而生束畦過冬則層裹嫩黃謂之黃秧又有繡毬白者外青內白葉叢

密綴結束如瓜味甘美俱稱佳品

恭菜

俗呼牛皮菜又名土菘葉青莖白厚而且柔煮食膩滑微有土氣去頭風利五臟本草謂補中

下氣廣雅名著蓬莖葉老燒灰淋汁洗垢衣易潔永地人皆莖之

莧菜

埤雅云莧有五莖葉高大易見故字從見指事也味甘氣寒除邪去熱赤入血分白入氣分



忌與鱉同食食者生鱉瘕傳曰青泥殺鱉得莧復生此其證也

**菠菜** 莖柔脆中空葉綠直出兩尖亦有單尖不缺者根赤長數寸廣志名赤根菘味甘寒開惱下氣

卻熱止渴出自西域波陵國故名永圃多有之

**油菜** 一名芸苔生即起苔采其苔食則分枝愈茂有紫黃二種能耐霜雪子可榨油永人遍種畦畝

長於行滯血破結氣古方消腫散結治產後一切心腹氣血痛尤見功效

**茼蒿** 時珍云形似蓬蒿故名葉綠刻缺花黃如單瓣菊嫩作蔬佳美老不堪食永圃常藝之

**萵苣** 葉同苣筍而皺斷之有乳花黃如初綻野菊味苦寒益心和血止煩消熱惟宿有冷疾者忌食

以氣寒故也一種葉尖衛苔刈之若筍肉嫩脆味美廣雅云千金菜永地皆種之

**蕓菜** 即蕓菜長蔓中空葉似菠菜開粉白花如牽牛狀可旱可水食隨葷素始產海外洋人船上蕓

永川縣志

卷二

輿地

物產

壘

藏移入中土故取雍加草為名永間種之

**冬莧** 綠葉圓梗形似馬蹄生寸許摘巔煮食則根側莖萌旋采旋發味甘滑沸湯黏滯成絲膾炙人

口永圃恆多

**胡荽** 即葶荽說文莖葉柔細而根多鬚綏綏然故謂之荽張騫得種西域因謂胡荽宜鹽按生食味

辛香通心脾達四肢能發滄毒掛苗房中可禦一切穢惡永圃多有之

**稜角菜** 形同青菜而多支缺莖長稜角外青內白剝去外膚內極細嫩煮食味甘去水氣鹽汁醃

之尤脆美永圃皆有其種

**蘿葡** 即來菹廣雅云以能制麥麩之毒取義為名葉長尺餘形若蕪菁根有長圓色有紅白生沙土

者大而甘產瘠土者小而辣本草注萊菹子治瘰有推牆倒壁之功時珍云功長於利氣生能升熟



能降升則吐風痰發瘡疹降則定痰喘止咳嗽皆  
利氣之功也又鼻衄甚危者以汁和無灰酒飲之  
卽止中豆腐毒者以湯汁飲之神效李延壽書載  
李師入窟賊以煙薰之垂死摸得蘿蔔一束嚼汁  
嚥下卽醒其種備四時根葉俱可  
食爲利甚溥川產極盛永亦繁植

**油菜頭** 俗呼大頭菜葉多支缺根圓大如碗形類來  
蕪而質堅過之生熟可食不如蕪爽利陰乾

去水氣以鹽醃漬之則  
味脆美永人多珍此物

**薑** 說文薑作疆禦溼之菜也介甫字說能強禦百邪  
故謂之薑苗青色似初生蘆新芽藏土紫尖白質

駢列如指味辛氣溫通神明避邪惡凡中風中暑  
中寒中毒中惡一切卒暴之病用薑與童便服之  
立可解散蓋薑開痰下氣童便降火也治痢疾生  
薑切細好茶一兩任意呷之或煎湯服甚妙不論  
赤白俱宜相感志云糟薑瓶內入蟬脫雖老薑無  
筋物性有所伏也八九月多食損精力患目疾永

永川縣志 卷二

輿地 物產 畜

地瀘龍山產者極佳每餅  
長尺餘有重至二斤者

**葱** 一名菘一名菜伯一名和事草又名胡葱以根似  
胡蒜也古用以調品味葉青莖空有通之象菘者

草中有孔也初生曰蔥針葉曰蔥青衣曰蔥袍莖  
曰蔥白諸物皆宜故云菜伯和事生辛散熟甘溫  
通竅理絡表邪散寒忌與蜜同食誤則殺人凡中  
惡卒死自縊垂死者取蔥心黃刺入耳鼻男左女

右約五六寸血出卽甦無血不治又連根搗  
爛敷一切疔瘡刀傷甚效邑圍中無不植之

**薤** 葉似葱而有稜數枝一本形有圓如獨蒜長若鵝  
腿者小滿前後出其根顆可煮可醃今人因根白

呼曰薤子韭類也故字從韭喪歌曰薤上露何易  
晞以葉狹光滑露易墜也辛苦氣溫溫中散氣活  
血行滯種之不蠹食之有益老人宜之誤吞釵  
環薤白曬萎煮食大束卽能隨出永多種之

**火葱** 圖經曰葉青莖白外直中空似大葱而小秋種  
冬翠四月收根皮赤肉白如薤味辛氣溫表邪



蒜

除寒和中快氣每多醃食名火葱者根加火炕尤易發生因以為名小蒜也張騫得諸西域十子一株謂之大蒜圖經云葉如蘭莖若葱根若水仙八月分瓣苗莖可茹春深抽苔生熟俱可食醃能久留囊根五六瓣十餘瓣不等亦有獨穎者以鹽漬醃藏甚美說文謂之葷菜正義云帝登嵩山中獲芋毒幾殆得蒜食乃解遂收植之能殺腥羶蟲魚之毒奇疾云人頭面上有光近之如火此蟲也用蒜半兩和酒服之吐出如蛇蒜乃殺蟲要藥又背發癰疽及贅瘤處用蒜片敷患艾灸之極痛而止無不愈者故永人爭種之

韭

本草名鍾乳一名起陽草說文韭字象葉出地上非一種而久生故謂之韭莖名韭白根名韭黃花名非菁禮謂豐本言美在根也植土窟中培以馬糞長尺餘不見風日其葉黃嫩是謂韭黃人皆珍之時珍曰韭生則辛而散血熟則甘而補中入厥陰經肝之菜也素問言心病宜食韭食鑑言歸腎蓋輿地物產

永川縣志

卷二

芋

心乃肝之子腎乃肝之母母能令子實虛則補其母也惟酒後忌食食必有損邑圃間無不植者出苗者為芋魁四面附生者為芋兒史記卓王孫岷山沃野下有蹲鴟注云芋魁狀若鴟之蹲坐也廣志云芋有水旱二種味甘充飢氣平滑寬腸胃澤肌膚葉莖嫩可茹飼豕勝穀實永多植之

芹

圖經云仲春生苗葉皆對節莖空有稜赤白二種俱堪作菹味甘性涼養血調氣多食損齒食物云楚葵生水澤者為水英呂覽云味美者雲夢之芹永地間有之

藷

海人云甘藷南方名番藷本草名朱藷即俗謂茗也葉青莖紫蔓引枝繁剪藤覆土尤勝種生根圓而長大小不等年荒救飢可以當穀生熟俱可食味甘氣平補虛益損切米曬乾可作粥食磨粉煮餠造酒其用甚多蔓可飼牛馬養豕易肥永人爭植之



山藥 卽蕷薯苗生蔓延葉青莖有方楞冬掘其根扁者俗呼腳板薯長桔者俗呼牛尾薯皮黃肉白有重至七八斤者唐避代宗諱改蕷爲薯宋避英宗諱改薯爲山藥一種生山中根細如指極堅實刮磨入湯煮之不散味美益人此真山藥也今皆以薯代味甘氣溫理皮補腎服之能益虛弱永多之藝

茄 一名酪酥隋煬改名崑崙紫瓜色有赤青白莖蒂生芒刺老變淡金色物類相感志茄樹開花取葉布路以灰圍之結子繁謂之嫁茄永地多種

蔞椒 味辛辣如火焊人故名肉厚而團者味甜不辣至頭大尾少尖如牛角者辛辣異常老圃賦蔞有烈士風永人搗以調蔬食每飯不離故種極盛

豇豆 蔓本也植則扶以杖花有紅白如蝴蝶狀莢有白青紫斑數種兩兩並垂短六七寸長有尺餘

永川縣志

卷二

輿地

物產

莢

可煮可醃味甘氣溫補腎健脾生精益髓永地無不種者時季豆 葉似綠豆而淡花白如粉蝶結角一二寸肌膚潤滑茹食甚美粒鮮紅色亦有白者性甘溫調榮養胃補血和氣子形色若腎可益真火助元陽

菡豆 卽蛾眉豆一名籬芭豆莢扁如眉緣邊帶紫蔓結籬間故名嫩采莢煮食甚美老則取子乾爲扁豆白者入藥性得中和脾之穀也

刀豆 其形如刀長有七八寸粒微扁大如雞腰嫩時採莢以鹽漬之可作鹹菜拾遺記謂之挾劍豆

黃瓜 莖葉蔓生俱有芒刺花多謊結瓜者卽隨花出生熟可食味甘氣寒解煩止渴能江切熱毒取出瓜一枚刻孔去子入硝填滿懸陰處待硝透出如霜剖下用人乳點火眼赤痛甚有奇效

絲瓜 一名天羅又名布瓜蠻瓜莖葉俱綠瓜嫩可煮食老則筋絲羅織惟用滌器味甘氣寒行絡和



血除熱解毒小兒痘將出未出取老瓜近蒂三寸連皮燒存性研末調沙糖服多者能少少者能稀經脈不通及變為乾血者用一枚為末白鴿血調為餅曬乾研末每服二錢須先服四物湯極效蓋此瓜象人脈絡借

其氣以引之也

苦瓜

莖青有稜葉若葡萄皮上癩癩如癩熟則色紅自裂中有瓠子形扁如鱉狀永人嗜之李時珍

曰清心明目子益氣壯陽

南瓜

蔓生莖粗葉如葵大如荷青澁有毛花開瓜臍實橫圓豎扁如枕如葫蘆形狀不一嫩青老黃

永人結架於上則蔓牽瓜懸纍纍在望

冬瓜

廣雅名土芝本草注經霜過後白衣如粉肉瓠子咸白又謂白瓜益氣耐老除心胸滿去頭面

熱熱人食之佳冷人食之瘦故年老小兒宜禁食

永川縣志

卷二

輿地

物產

五

瓠瓜

尺餘嫩可煮食味淡性寒壓金石毒爾雅翼曰瓠匏之甘者

永間有植之

木之屬

松

史記龜茨傳千歲之松上有兔絲下有茯苓大者修幹虬枝遇風則聲如濤邑山間多有之

柏

六經精蘊木皆屬陽而柏向陰指西性堅實邑人喜為器用又有側柏刺柏塔柏數種

杉

說文作榦爾雅釋木作黏似松而堅實邑人常取此為棟柱以白蟻不食故也

桑

葉可飼蠶邑有青黃二種青者尤良蠶片後取其葉可啖豕

柳

柔條細葉齊民要術六七月取少枝插之則長倍疾與楊異種楊枝硬而揚起柳枝弱而低垂

櫟

詩秦風山有苞櫟陸機疏秦人謂梓櫟為櫟子房生俗呼青桐每歲伐以為薪甲於他木



榭 類青桐而葉稍大結實尖壳可染皂樹大者常數

樟 圍本草圖經云榭樹高丈餘與櫟相類

椿 禹貢作杗說文作櫨左傳斬其櫨以為公琴皆一

榕 俗呼為黃葛石上種之其木愈大枝垂蔭可數畝

槐 葉深青細密花微黃結實可染淮南子槐生季春

櫻 石鼓文作櫻俗作棕說文楸欄也枝葉萃於木杪

檀 詩鄭風無伐我樹檀注云強韌之木可為器具邑

烏臼 俗名捲子本草葉可染皂結實壓為油塗頭白

夜合 其花如絮開必以夜故名邑人常伺其開為插

永川縣志

卷二

輿地

物產

五

白楊 易生易長大者長三四丈古詩白楊樹城東路

梧桐 修幹直立結子可食仲春始華又名黃桐俗呼

竹之屬

斑竹 色青質理甚堅俗常取以備器用又一種名南

慈竹 柔韌尾常下垂叢生不離本故一名義竹俗取

水竹 竹小而勁刮其皮為葺火炙得汁皆可入藥邑

苦竹 與水竹同味多苦古人謂之諫竹又青竹名紅

箬竹 其葉可成篷笠每歲端午邑人常取以裹糗本

黑竹 初生青質黑斑及老盡黑俗謂取以為杖可避



刺竹 葉多刺竹惟此種最大異物志有竹曰簞可為棟梁廣志簞竹宜為屋椽或即此類

花之屬

桂 一名木犀 邑後大幹曰桂山最多此樹花有黃白紅三種八月始開紅者名丹桂每月有花

蘭 琴操蘭為王者香爾雅翼一幹一花者蘭一幹數花者蕙 邑有蟬蘭 鈞蘭 素心 珍珠 魚子 等名

菊 種類繁多 花史陶隱居言白菊療疾有功 仙書菊種類繁 多花 邑人 或取釀酒

蓮 古今注有荷花 水芝 澤芝 等名 愛蓮說蓮花之君子者 也 邑有紅白二種 邑惟白者最多

梅 譜序梅以韻勝 以格高 故以橫斜 疏瘦 老枝 怪奇 為貴 邑有玉蝶 綠萼 珠砂 等名

杏 一名小桃 上元前後 即著花 狀如垂絲 海棠 羅隱詩 數枝豔 拂文君酒 半里紅 敬宋玉牆

海棠 種有 四有 邑無香 花中 神仙也 墨客揮犀云 海棠無香 惟昌州獨香 邑古隸昌州 故多此花

永川縣志

卷二

紫薇 畧與荆相似 紫荆春日即開 紫薇則四五月始花 接續可至八九月 俗多誤以紫薇為紫荊

雞冠 梅堯臣詩 乃有秋花實全如雞 幘丹 羣芳譜 花最耐久 霜後始 薦有紅白二種

水仙 羣芳譜 一莖花數 朶大如簪 根似蒜 六朝人呼為雅 蒜一名女史花 一名姚女花

石榴 出塗林 安石國王荆公詩 萬綠叢中紅 一點動人 春色不須多 結實大如橘子

木槿 禮月令 木槿榮有紅白二種 羅浮山記 木槿花四時敷 榮花可餐 亦能明目

茉莉 香譜 蒸取其液 可代薔薇 露若作面脂 澤髮潤燥 香肌 其花色如梅 雪較素馨稍大

杜鵑 格物論 一名山石榴 一名謝豹花 蜀人號曰映山紅 以杜鵑啼時始開 故名

山茶 羣芳譜 葉類茶 可作飲 故得茶名 樹高丈餘 低者二三尺 邑有粉紅 鮮紅 純白 數種

梔子 酉陽雜俎 諸花少六出 惟梔子房生 可染小者 俗名海梔 黃名黃梔 子房生 可染

梔子 酉陽雜俎 諸花少六出 惟梔子房生 可染小者 俗名海梔 黃名黃梔 子房生 可染



繡毬

羣芳譜春月開花瓣團團如毬張新詩風來似

牡丹

名花王一名洛陽花以浴陽之花為天下冠故

芍藥

一名婪尾春芍藥殿春故名或云牡丹得此易

金錢

羣芳譜一名子午花一名金榜及第花石懋詩

木芙蓉

羣芳譜一名木蓮唐明皇以花調粉作御墨

果之屬

桃

典術桃為五木之精能治百鬼故作符門上以厭

李

廣志及西京雜記所載李之名甚多邑有雞血江

梨

洞冥記塗山之梨大如斗紫色千年開花冬月乃

永川縣志

卷二

輿地

物產

卒

柰

羣芳譜一名蘋婆樹葉似林檎而稍大學圍餘蔬

橘

左思蜀都賦戶有橘柚之園禹貢注小曰橘大曰

橙

似橘而大俗呼大馬柑杜詩霜橙壓香橘味多酸

柿

羣芳譜柿赤實果也生青熟紅邑人煮以白饴稱

棗

廣志棗有雞心狗牙獼猴細腰之名本草九月採

栗

大戴禮八月栗零傳零降也其核有刺俗呼板栗

香櫟

果疏花香實大雖酸澆齒以為湯則佳置盤中

蒲萄

漢書蒲萄出大宛張騫使西域得其種實如珠

橄欖

羣芳譜一名青果一名諫果一名忠果一名青



胡桃 博物志張騫使西域得其種本草謂植之秦中後漸生東土改名核桃

櫻桃 一名含桃爾雅名荆桃山堂肆考唐宰相有櫻桃厨杜甫詩西蜀櫻桃也自紅

林檎 一名來禽言熟則來禽也楊升菴詩王家珍重來禽帖俗與花紅皆以白饅煮之

佛手柑 羣芳譜大如朱欒實如手有爪或屈或伸其氣皆可避疫蘇軾詩手香新喜綠橙搓

枇杷 一名盧橘格物論枇杷肥枝長葉大如驢耳背有黃毛冬月開白花三四月成實

草之屬

菖蒲 羣芳譜一名昌陽一名水劍草草木狀番禺東澗菖蒲皆一寸九節安期服之仙去

芭蕉 一名甘蕉一名芭苴一名扇仙韓偓詩深院下簾人晝寢紅薔薇映碧芭蕉

蒲草 爾雅謂之符籬楚人謂之莞種水田中一歲再收可以為蓆

永川縣志

卷二

輿地

物產

空

護 一作萱博物志合歡蠲忿萱草忘憂一名宜男草風土記花曰宜男姪婦佩之可生男

茅 詩書爾于茅六韜呂尚坐茅而漁拾遺記冀州二萬里有孝養國人年三百歲織茅為衣

艾 一名醫草一名冰臺一名炙草今端午日邑人多取之以備用

蒿 詩食野之蒿李東陽拔蒿詩拔去庭蒿始見寬向來茅塞本無端

藥之屬

黃精 其根畧似諸九蒸九曬大補脾腎博物志太陽之草名黃精餌之可長生

枸杞 爾雅名枸檮衍義名枸棘其根名地骨皮補精駐顏明目益壽不及甘州之佳

車前 詩采采芣苢注即車前也好生道旁及牛馬足跡中故名利水道治目疾令人有子

香附 一名水香稜一名沙草根一名雀頭香魏文帝遣使於吳賚雀頭香即謂此也女病要藥



茱萸

一名吳萸一名越椒性行氣善煖下焦為萸囊

藿香

詩六月食鬱及萸爾雅疏萸即藿也江淹有藿

紫蘇

一名桂荏其性舒暢行氣和血花紫色故謂之

薄荷

楊雄甘泉賦作茝萑字林作茝苦今俗稱薄荷

茴香

一名小茴陶宏景云煮臭肉能去臭而香故名

枳殼

皮厚而小陳者良其實曰枳實本草云上世殼

管仲

一名貫眾根似狗脊而大汁能制三黃并化五

陳皮

本草曰橘紅藏久者佳自兩廣來者曰廣皮邑

牛膝

味苦酸治溼痺脚氣其性引下本草注云莖有

永川縣志

卷二

輿地

物產

空

荆芥

味辛苦而溫芳香而散本草名假蘇元素曰肝

罌粟

羣芳譜一名米囊一名象穀邑人徧地皆種之

巴豆

出巴蜀而形如豆菽故名又戎州產者殼有縱

甘葛

根生津止渴亦解酒毒花尤良多用傷胃氣大

苦者入藥  
必用甘葛

金銀花

本草名忍冬四月開花其香撲鼻初開色白

葶麻子

莖如甘蔗有黑白二色結實多斑點取其油

蒲公英

花如飛絮莖中有白汁治疔毒甚效一名黃

夏枯草

冬生至夏至時枯故名為療瘡毒要劑



苦楝子 圖經謂之苦楝因味苦也川產者佳故又名川棟子

桑寄生 瞿佑詩似嫌樹底泥塗滑應愛梢頭雨露多諸樹皆有之惟生桑樹上者尤善

毛之屬

馬 相馬經頭為王欲方目為相欲明腹為城郭欲張脊為將軍欲強鼻穴欲大耳欲相近而前豎

牛 相牛經出甯戚漢河西薛公得之以相牛千百不失後遞傳至王愷秘其書有水牛黃牛二種

騾 爾雅翼騾力在腰股有鎖骨故不生育神仙傳薊子訓去京乘騾徐行名馬追之不能及

驢 清異錄驢一名衛一名長耳公又呼廬山公杜甫詩騎驢三十載旅食京華春

羊 禮羊曰柔毛述異記一名胡鬚郎梅堯臣詩細肋胡羊臥苑莎邑所畜者其皮不可為裘

豕 禮豕曰剛鬣一名黑面郎一名大蘭王一名糟糠氏俗呼曰豬本草搗梓葉飼之肥大三倍

永川縣志

卷二

輿地

物產

畜

犬 犬有三種田犬食犬吠犬俗惟畜吠犬史記蒯通曰桀狗吠堯堯非不仁狗固吠非其主

貓 相貓法眼要金光身要短面要虎威聲要喊露爪能翻瓦腳長善走家面長雞絕種尾大懶如蛇

兔 典畧兔明月之精論衡兔舐雄毫而孕生子從口中出本草凡兔至秋深時可食金氣全也

獺 禮獺祭魚獺如狗水居食魚故俗養之以捕魚祭魚說文獺如狗水居食魚故俗養之以捕魚

羽之屬

雞 春秋說題辭雞為積陽南方之象故陽出雞鳴以類感也又在山間而文多者曰野雞

鵙 埤雅鵙一名鵙蓋自呼其名曰鵙也一名家鳥又名舒鳧禽經鵙舒緩不能飛故曰舒鳧

鵝 色多純白本草集解其夜鳴應更江東呼為蒼鵝性能啖蛇及蚓禽經鵝飛則蟻沈

鷺 埤雅鷺色白頂上有毛十數莖長寸餘如絲杜牧詩霜衣雪髮青玉嘴羣捕魚兒溪影中



鳩 禮月令仲春鷹化為鳩禽經拙者莫如鳩古語鳩巧而危鳩拙而安邑中此鳥有數種

鵲 博物志鵲巢開戶避太歲淮南子鵲巢知風之所起注言鵲作巢向風之所起為戶

燕 廣雅元鳥燕也博物志戊巳日不銜泥塗巢田家雜占紫燕來巢主其家富

鴿 本草釋名鴿性淫而易合故名鴿兩兩相匹不雜交每孕必二卵伏十八日而化

鱗之屬

鯉 說文鱣也正字通神農書鯉為魚王無大小脊旁皆三十六鱗上有小黑點文

鯽 與鱗同本草形似鯉色黑體促腹大脊隆杜甫詩鮮鯽銀絲膾一名鮒江東呼妾魚

鯿 陸機草木蟲魚疏鯿徐州人謂之鯿郭璞江賦鯿鯿鯿小雅魚麗于鬻鮐鯿正字通今烏魚一名七星

鰾 詩小雅魚麗于鬻鮐鰾正字通今烏魚一名七星魚首有七星夜朝北斗

永川縣志

卷二

輿地

物產

畜

鰾 或作鰾類篇黃質黑文爾雅翼鰾似蛇無鱗體有涎沫性能療風邪及諸竅之病

鰾 格物論鰾魚屬字從魚爾雅翼泥鰾稻花變成多在田泥中一名苗鰾溪中大者俗呼曰馬鰾

介之屬

蚌 說文蜃屬類分大小甲可成粉又一種曰蛤似蚌而圓大戴禮蚌蛤龜珠與月盈虧

螺 一作贏玉篇蚌屬易說卦離為贏為蚌有水陸二種水生者較大可食陸生者曰山螺不可食

蟹 今人謂之旁蟹以其側行故也一名無腸公子張來詩筐實黃金種螯肥白玉香

龜 爾雅龜有十二名說文龜外骨內肉玉篇天性無雄以蛇為雄大戴禮介蟲三百六十龜為之長

鼈 埤雅一名神守一名河伯從事以眼聽水居陸生四周有裙其甲以赤莧包置濕地化生如細蠶

蟲之屬



蠶 皇圖要覽黃帝元妃西陵氏始養蠶蠶經蜀有蠶  
女馬頭娘後世創蠶家祭之雜五行書二月上壬

四角宜蠶吉

蜂 土中作房者曰土蜂樹上作房者曰木蜂其一種  
曰蜜蜂邑人多收而養之

蟬 禮月令蟬始鳴古今注昔齊王妃怨王而死尸變  
為蟬故名齊女

蝶 一名蛺蝶一名野蛾一名鳳子一名春駒爾雅翼  
菜中青蟲所化其類不可枚舉色亦各異

螢 禮月令腐草為螢一名夜光一名熠燿古今注一  
名景天一名宵燭杜甫詩巫山秋夜螢火飛

蛙 一名蝮蠲俗名田雞其大者曰蝦蟇又背多痲磊  
不能鳴者謂之蟾蜍今呼為癩蝦蟇

食貨之屬

酒 永產稷米大小麥均可煮造酒出售城市者高粱  
為多謂之燒酒舟載上下行消最盛

永川縣志

卷二

輿地

物產

壺

粉 永人取諸豆作粉其用甚普若以漏瓢瀉入沸湯  
中成條曬乾謂之條粉多販賣各縣者

麵 以麥為之有掛麵切麵二樣切者稍粗酒肆中煮  
賣人皆嗜食掛者甚細販賣各邑

甘蔗 世說顧愷之為虎頭將軍每食蔗自委至本或  
問之曰漸入佳境邑有紅白二種

落花生 種宜沙土蔓生花黃卸時針倒入土結實有  
莢炒食香美亦可榨油永地多種之

雪藕 韻會芙蓉行根如竹行鞭節生一葉一花花葉  
常偶故謂之藕生熟皆可食亦可作粉

葶薺 碎金云葶薺古鳧也本草一名烏芙蓉俗呼勃  
薺又一種名茈菰似鳧茈而白根結實皆可食

菱角 武陵記兩角曰菱三角四角曰芰酉陽雜俎菱  
開花背日芡開花向日故菱寒芡煖

枳椇 一名木蜜俗名雞距又名拐爪世說外有枳椇  
屋內釀酒多不佳以葉入酒則化為水

椒 樹似茱萸有針刺其實菜六月紫赤子突出如目  
謂之椒目性辛芳川產甚美永人早摘稱為青椒



菌 說文地蕈也博物志菌食之有味而常毒殺人邑產甚繁佳者惟俗呼牛肝菌為最

鐵 說文黑金也邑中大幹山皆出鐵鑛故爐廠最多

炭 石炭謂之煤又說文燒木餘也禮伐薪為炭又本草煎藥宜用焗炭邑故多煤餘二種亦充於市

茶 本作椀陸羽茶經其名有五邑產雖非絕佳然萱花寺大小峯門等處賴此為衣食者甚眾

布 邑中種棉者少買廣花成布漬各色如凍綠墨青之類行滇黔各省又箕山腰有浸水一股土人就其下開塘漂白布色

麻 邑多種苧麻績織成布細者為衣服粗者作帷帳

紙 邑中多竹初生未及一年者居民設廠購之以作紙質有數種均足備用

石灰 取石入窑燒之名曰礧子用時潑以水則化成灰凡修造興作之事不可缺此故購者極眾

永川縣志

卷二

輿地

物產

五

土子 出來龍嶺土中性可入藥漆工熬油亦必用之大如指青黑色每天雨後居民拾取售諸販者

按物產之盈虛為國用之損益故考方志者必辨土

物之宜權其緩急輕重以與時消息此行政之大經

漢紀平準書所為妙化裁於食貨也永治土產強半

與全川同絕無珍異瑰奇為商市利柄然日用所需

者天施地生濟之以人事則不必取材異地自足養

欲而給求視彼珠玉玩好之類飢不可食寒不可衣

其緩急輕重殊判然矣志於穀蔬特詳誠以養命之

源不厭參考其他昆蟲草木惟適用者書之多未收



載非疏也亦略備其類而已後之蒞斯土者知永無  
物不備使民勤其耕織厚其滋長行見不可勝食勝  
用羣安熙皞之天焉何事逐錐刀微利而自棄本業  
也哉

永川縣志

卷二

輿地

物產

卷七



風俗

方言附

攷漢志剛柔緩急本於水土之謂風好惡取舍隨乎君上之謂俗是風自風而俗自俗各有所繫也夫西北多山人剛勁而直東南多水人孱弱而文得於天者不無鍾毓之異然剛克柔克惟視在上之化裁如朝歌一耳在殷爲淫酗成周治之靡靡者率皆變移則非風土所得囿矣永邑舊志載山巒端正川流靜蓄風氣所鍾人多樸茂尙矣使不雕不琢不長此太古遺風哉查永在

永川縣志

卷二

輿地

風俗

六

國初尤寇盜榛莽順治十八年縣主趙國顯始僑寓松漑招撫流亡康熙四年縣主王樾自松漑移入縣治時斬荆綏集地曠人稀曠則地有餘利稀則人自相親又無靡麗紛華蕩逸心志熙熙然渾穆同風亦時勢有然非溢美也撫今思昔爲問闕文借乘猶有可及者乎試就所列而較之變而上者未一二數趨而下者正不知遷流何極矣謂士窮經敦品爭自濯磨惜地處偏隅不無固陋以今之經學詞章攷據測算固爲有加矣然硜於墨守果能登班馬之堂入蘇



韓之室乎則未敢知也乃有勢利熱中營幹公務蹴  
嘖之受蒙面喪心而二三稍知自愛克持氣節者方  
且擠排之而慮有以病於己詎污之而謂無以異於  
人神司鬼瞰覩然不忌士習至此他何誅焉農事耕  
耘不遺餘力輸將公賦踴躍爭先較昔疎於耕作者  
可無遺議惟以慳吝爲儉昧於義方積寸累銖適供  
子弟之淫蕩有不一過而爲墟者比比然矣可勝慨  
哉至謂工匠不過木金組織不過麻縷設色不過布  
疋陶冶不過埴瓦雅尚渾素不作奇淫今則宮甯綢

縐紵抽成文齒革羽毛輝增列肆飾一時之耳目而  
良窳相易欺僞叢生破觚爲圓無復太樸之完矣又  
謂安土重遷商賈殊少雖居肆負販皆務本崇實吁  
何霄壤相懸矣夫其販賤鬻貴出作入息準時價之  
贏縮通交易之事功實以便民豈爲病世而穢積塵  
囂趨之若鶩藪藏姦宄百弊皆滋昵園館而肆悖淫  
龔珍奇而忘侈靡兢兢逐末世風不益敝歟矧錢曹  
市僧龍斷居奇乘人危迫月銀倍千累利無償而產  
業家私已資算入券矣迨歸璧逾日尤必按數推盈



不稍假借伊誰作俑生此厲階而令周急姪卹之風  
從茲掃地天道有知其殆饜彼慶封乎士農工商此  
其概矣舊謂冠昏喪祭間用古禮飲食衣服不尚浮  
華今則變本加厲矣三加禮廢冠無可言親迎不行  
婚殊草草非所以重成人也而粧資綺麗燦爛盈門  
鼓吹筵賓笙歌括耳一不稱意媒氏多受譴責至有  
以育女爲諱者喪自附身附棺尤竭力經營不儉其  
親但居少戚容徒事文具散帛不計親疏謂之普孝  
甚爲可怪含殯虞奠題主棲神鼓樂喧闐雜陳戲劇

此尤悖禮傷化所當嚴禁也飯僧建醮事出矯誣誦  
經解脫罪歸誰主人子何心其忍而出此乎葬惑風  
水有預卜吉兆者有停經歲月者有多年復遷者士  
大夫且然何怪積重之不返耶祭鮮家廟主安寢室  
多於歲節薦以時品慎終追遠禮盡是歟至被服擬  
王侯之貴肥鮮奪天府之腴奢侈已極尙復何加然  
永俗之敝尤有進者毛髮之利觴豆之嫌輒好爭訟  
互訐不休訟師爲幻譎張莫窮底蘊胥役肆其層剝  
竭盡錙銖以至蕩產破家孽無可追又有無業游民



紛紛市井卧眠烟館嘯聚賭場詐搯鄉愚誣陷良善  
每會盟而結黨輒遇事以生波攘劫奸淫職爲戎首  
此風不戢豈惟人心之害且貽世道之憂也他如迎  
神演戲舉國若狂動靡千緡會不愛惜合永三十餘  
市其得可以數計乎近復沈染烟毒癡迷不悟日危  
月削如火銷膏以少壯有用之精神形同鬼魅遑問  
廢時失業哉農夫趨利種遍畦畝春來四顧世界花  
花而菽麥幾歸於無何有之鄉矣不思裹腹究將誰  
賴也嗟嗟舊志所載如此今時所見如彼豈真世運

之趨而愈下哉是又不然綱常名教世之大防所以  
維持不敝者賴此人心之不死耳日晝不可問而夜  
氣猶存幾希雖已亡而乍見猶動故曰觀於鄉而知  
王道之易易也永濡教化非盡涼薄前此庚申之變  
有從容就義有罵賊捐軀若恐稍爲污蔑此非天地  
正氣乎况夫女貞之木是不一支黃鵠之歌繁然繼  
響白首稱未亡人而茹荼如飴者更僕難數其他感  
悅驚龐舍生取義城崩濺血九死不辭尤足立人紀  
之極振頹靡之風也夫世運之盛衰繫於人心之純



駁故程子曰治天下以正風俗爲本蘇文忠上神宗書亦謂風俗如人之元氣愛惜風俗如保護元氣此之不可不講也永俗紀綱猶存近雖剝敝而士爭好名人知畏法好名易與爲善畏法憚於遂非草偃從風在良有司一轉移間耳記曰君子修其教不易其俗齊其政不易其宜無事改絃更張而治已蒸蒸進於古天豈厭敦龐哉若夫歲時令節比屬從同不煩臚述已

方言

永川縣志

卷二

輿地

風俗

七

永治五方襍處語言互異遭獻賊荼毒之後土著復業僅十之二三至今土滿人稠強半客民寄寓故郡屬城市均有各省會館惟兩湖兩廣江西福建爲多生聚殷繁佔籍越數十傳而土音不改一父也有呼爲爹爲爺爲伯伯爲阿爸者一母也有呼爲娘爲媽爲母親爲阿嬭者子或謂之兒謂之崽謂之么兄或謂之哥謂之長弟或謂之小謂之胎見物美者通稱爲好而或曰標曰豔曰都曰佳見物盛者通稱爲大而或曰厖曰碩曰豐曰夥指物所在曰阿堵曰這箇



辦事迅速曰忙溜曰快當凡厥名物器數言甚厯雜不能殫述豈真不忘舊不悖本歟胡生長於川服食於川而厥音竟不變易也或謂語別義同此亦何關輕重不知世俗之情僞必在方言決別之嘗見聽訟辨難有所應在東而所判在西不啻同床各夢實貽笑柄且音語不通必藉胥役轉答乘間舞弊各受其愚則不得以細事輕之也故爲略舉端倪能觸類而深悉之鑑衡有主斯銖兩無差是亦司牧者聽受之一得哉